

廣群芳譜

三十三

特 7
458

伊藤
馬太郎
記

佩文齋
圖書



国立国会図書館 タイトル『佩文齋廣群芳譜卷1-6, 11-100』 請求記号 特7-458

ガラス使用

用之治妊婦產後能使氣血各有所歸當歸之名宜取諸此治上當用頭治中當用身治下當用尾通治則全用此一定之理也惡濕麩苧茄畏菖蒲海藻牡蒙生薑制雄黃

彙考原孫盛雜記初姜維詣諸葛亮與母相失復得母書令求當歸維曰良田百頃不在一畝但有遠志不在當歸也 **增**雲仙雜記號州別駕竇肥以當歸為地仙圓曰使血海增光 **續仙傳**羅公遠鄂人玄宗學其術不肖盡怒殺之後有使者入蜀見公遠自道姓名以蜀當歸為寄比玄宗入蜀始悟當歸之意

集藻詩散句 **增**元陳樵當歸葉長映芭蕉

別錄原修治凡用去蘆頭水洗去土酒浸一宿日乾或火乾切片如收藏曬乾乘熱紙封甕不蛀

芎藭

原芎藭 博雅云苗曰江 一名香果 以氣香也 一名山鞠藭 詳見

左傳 **增**本草芎藭一名胡藭 以戎地者為佳故名 古人因其根節

狀如馬銜謂之馬銜芎藭後世因其狀如雀腦謂之雀腦芎其出關中者呼為京芎亦曰西芎出蜀中者為川芎出天台者為台芎出江南者為蕪芎皆因地而名也金光明經謂之闍莫迦 **原**清明後宿根生苗分而橫埋之宜鬆肥土節節生根澆宜退性水葉香似芹而微細窄有丫叉文似白芷葉而細又似胡荽葉而微壯叢

廣群芳譜 卷三 芎藭



生細莖七八月間開碎白花如蛇牀子花根下始結芎
窮堅瘦黃黑色關中出者形塊重實為雀腦芎最有力
九月十月採者佳三四月虛惡不堪用凡用以塊大內
中色白不油嚼之微辛甘者佳他種不入藥止可為末
煎湯沐浴耳味辛溫無毒治中風入腦頭痛寒痺除腦
中冷痛面上油風一切風氣勞損血病止瀉痢燥濕行
氣開鬱今人用此最多頭面風不可缺須以他藥佐之
不可單服

彙考 **增** 左傳楚子伐蕭還無社與司馬卯言號申叔展
叔展曰有麥麩乎曰無有山鞠窮乎曰無註麥麩鞠窮
所以禦濕欲使無社逃泥水中無社不解故曰無疏本

草有芎窮者是藥草之名觀傳文欲使無社逃於泥水
中而問有此物否以知是禦濕所用 **山海經**號山其
草多芎窮 繡山其草多芎窮 洞庭之山其草多芎
窮 **淮南子**夫亂人者若芎窮之與藁木 **益部**方物
畧記芎蜀中處處有之成都九月九日藥市芎與大黃
如積香溢千厓或言其大若胡桃者不可用多蒔於園
檻葉落時可用作羹蜀少寒莖葉不萎今醫家最貴川
芎川大黃云

集藻 **贊** **增** 宋宋祁川芎贊柔葉美根冬不殞零采而掇
之可糝於羹

賦散句 **增** 漢揚雄甘泉賦排玉戶而颺金鋪兮發蘭蕙

廣羣芳譜 藥譜二 芎窮

三

與芎藭

五言古詩增宋蘇軾和子由記園中草木芎藭生蜀道
白芷來江南漂流到關輔猶不失芳甘濯濯翠莖滿
惜清露涵及其未花實可以資筐籃秋節忽已老苦寒
非所堪斷根取其實對此微物慙

七言絕句增宋韓琦中書廳芎藭蔞嘉樹列羣芳禦
濕前推藥品良時摘嫩苗烹賜茗更從雲脚發清香
詩散句增宋陸游泉潔煮芎苗蘇軾穿林閒覓野芎
苗

蛇牀

增爾雅肝虺牀註蛇牀也

廣雅虺牀馬牀也

本草

經蛇牀一名蛇米一名思益一名繩毒一名棗棘一日
牆蘼註近道田野墟落間甚多花葉正似蔞蕪本草
綱目韓保昇曰生下濕地所在皆有以揚州襄州者為
良蘇頌曰三月生苗高三二尺葉青碎作叢似蒿枝每
枝上有花頭百餘結同一窠似馬芹類四五月乃開白
色又似繖狀子黃褐色如黍米至輕虛李時珍曰其花
如碎米攢簇其子兩片合成似蒔蘿子而細亦有細稜
氣味苦平無毒治男子婦人風濕痺毒小兒驚癇溫中
下氣暖丈夫陽氣女子陰氣久服輕身好顏色令人有
子

別錄增炮炙論凡使須用濃藍汁并百部草根自然汁

黃華七首 藥譜二 蛇牀

四

同浸一伏時漉出日乾却用生地黃汁相拌蒸之從巳至亥取出日乾用 日華本草凡服食即接去皮殼取仁微炒殺毒即不辣也作湯洗浴則生用之

藁本

增本草綱目藁本 蘇恭曰根上苗一名藁芎 出山一名下似禾藁故名 一名藁芎 海經 一名鬼卿 一名鬼新一名微莖蘇頌曰西川河東州郡及兖州杭州皆有之葉似白芷香又似芎藭但芎藭似水芹而大藁本葉細五月有白花七八月結子根紫色氣味辛溫無毒張元素曰乃太陽經風藥其氣雄壯寒氣鬱于本經頭痛必用之藥與木香同用治霧露之清邪中于上焦與白芷同作面脂既治風又去濕亦各從其類

也

彙考 **增**王氏談錄云京師市藥須當精別市中藁本多雜以葳靈仙不可稱辨往往誤售入藥遂不為効藁本蓋柔細而芳香者是 邵氏聞見錄夏英公病泄太醫以虛治不効霍翁曰風客于胃也飲以藁本湯而止


附錄 徐黃

增名醫別錄徐黃生澤中大莖細葉香如藁本味辛平無毒主心腹積癥莖主惡瘡

蜘蛛香

增本草綱目蜘蛛香出蜀西茂州松潘山中草根也黑色有麤鬚狀如蜘蛛及藁本芎藭氣味芳香彼人亦重

本草綱目 藁本 徐黃 蜘蛛香



之或云貓喜食之味辛氣溫無毒辟瘟疫中惡邪精鬼氣尸疰

木香

本草綱目木香一名蜜香一名青木香一名五木香

一名南木香李時珍曰木香草類也本名蜜香因其香氣如蜜也緣沉香中有蜜香遂訛此為木香昔人謂之青木香后人因呼馬兜鈴為青木香乃呼此為南木香廣木香以別之今人又呼一種薔薇為木香愈亂真矣三洞珠囊云五香者五木香也一株五根一莖五枝一枝五葉葉間五節故名五香燒之能上徹九天金光明經別錄曰生永昌山谷陶弘景曰永昌今謂之矩琵琶香不復貢今皆從外國舶上來乃云出大秦國今皆以合香不入藥用蘇恭曰此有二種當以崑崙來者為佳西湖來者不善葉似羊蹄而長大花如菊花結實黃黑所

在亦有之功用極多甄權曰出天竺是草根狀如甘草也蘇頌曰今惟廣州舶上來他無所出根窠大類茄子葉似羊蹄而長大亦有如山藥而根大開紫花者不拘時采根芽為藥以其形如枯骨味苦黏牙者為良江淮亦有此種名土青木香不堪藥用蜀本草言孟昶苑中亦嘗種之云苗高三四尺葉長八九寸皺軟而有毛開黃花恐亦是土木香種也雷斅曰其香是蘆蔓根條左盤旋采得二十九日方硬如朽骨其有蘆頭丁蓋子色青者是木香神也寇宗奭曰常自岷州出塞得青木香持歸西洛葉如牛蒡但狹長莖高二三尺花黃一如金錢其根即香也李時珍曰南番諸國皆有一統志云葉

廣群芳譜 木香

類絲瓜冬月取根曬乾味辛溫無毒乃三焦氣分之藥能升降諸氣諸氣贖鬱皆屬于肺故上焦氣滯者用之乃金鬱則泄之也中氣不運皆屬于脾故中焦氣滯者宜之脾胃喜芳香也大腸氣滯則後重膀胱氣滯則癃淋肝氣鬱則為痛故下焦氣滯者宜之乃塞者通之也
景考 隋書樊子蓋傳大業五年車駕西巡將入吐谷渾子蓋以彼多瘴氣獻青木香以禦霧露

甘松香

廣志 甘松出姑臧涼州諸山細葉引蔓叢生可合諸香及裏衣 **本草綱目** 甘松香 產于川西松州其味甘故名金光明經謂之苦 **蘇頌** 曰黔蜀州郡及遼州皆有之叢生山野葉細如

茅草根極繁密八月采之作湯浴令人身香治惡氣卒心腹痛滿下氣理元氣去氣鬱

山柰

本草綱目 山柰一名山辣 俗訛為三柰又訛為三賴呼山為三呼柰 如賴故致謬誤 生廣中人家栽之根葉皆如生薑作樟木香氣土人食其根如食薑切斷暴乾則皮赤黃色肉白色古之所謂廉薑恐其類也氣味辛溫無毒暖中辟瘴癘惡氣治心腹冷氣痛寒濕霍亂風蟲牙痛入合諸香用

廉薑

增 本草綱目 廉薑一名薑彙一名蒨後陳藏器曰似薑

黃書古方譜 卷三十一 甘松香 山柰 廉薑



生嶺南劍南李時珍曰生沙石中似薑大如羸氣猛近于臭南人以爲藿其法陳皮以黑梅及鹽汁漬之乃成也鄭樵云似山薑而根大氣味辛熱無毒治胃冷溫中下氣消食益智

山薑

釋名嶺表錄異山薑莖葉皆姜也但根不堪食亦與豆蔻花相似而微小爾花生葉間作穗如麥粒醃藏入甜糟中經冬如琥珀色辛香可愛用爲餹無以加矣又以鹽殺治暴乾者煎湯服之極除冷氣 **本草綱目**山薑與杜若同一名美草陶弘景曰東人呼爲山薑南人呼爲美草蘇頌曰生九真交趾今閩廣皆有之李時珍曰生南方葉似薑花赤色甚

辛子似草豆蔻根如杜若及高良薑今人以其子僞充草豆蔻然其氣甚猛烈氣味辛熱無毒治腹中冷痛辟穀止飢去惡氣溫中止霍亂功用如薑花及子辛溫無毒調中下氣破冷氣滑食殺酒毒

集源五言古詩唐劉禹錫崔元受少府自貶所還遺

山薑花以詩荅之故人博羅尉遺我山薑花採從碧海
上來自謫仙家雲濤澗孤根陰火照晨葩靜搖扶桑日
豔對瀛洲霞世人受苦辛寒擷忘幽遐傳名人帝里飛
騎辭天涯王濟本尚味石崇方鬪奢雕盤多不識綺席
乃增華驛馬損筋骨貴人滋齒牙顧子藜藿士持此重
咨嗟



五言律詩增唐劉禹錫奉和鄭相公以寄考功十弟山
薑花俯賜篇詠採擷黃薑藥封題青瑣闈共聞調膳日
正是退朝歸響為織筵發情隨綠翰飛故將天下寶萬
里與光輝

豆蔻

增海藥本草紅豆蔻生南海諸谷高良薑子也其苗如
蘆其葉如薑花作穗嫩葉卷之而生微帶紅色嫩者入
鹽釀釀作朶不散落須以朱槿花染令色深善醒醉解
酒毒桂海虞衡志紅豆蔻花叢生葉瘦如碧蘆春末
發初開花抽一幹有大籜包之籜解花見一穗十藥淡
紅鮮妍如桃花色藥重則下垂如葡萄又如火齊纓

絡及翦綵鸞枝之狀每藥心有兩瓣人謂之比日連理

云本草綱目高良薑一名蠻薑陶弘景言此薑始出

即今高州漢為高涼縣吳改氣味辛大溫無毒治胃中

為郡則高良當作高涼也

冷逆霍亂腹痛止痢治風破氣健脾胃寬噎膈破冷癰

除瘴瘧子名紅豆蔻氣味主治畧同酉陽雜俎白豆

蔻出迦古羅國呼為多骨形如芭蕉葉似杜若長八九

尺冬夏不凋花淺黃色子作朶如葡萄初出微青熟則

變白七月採本草綱目白豆蔻子圓大如白牽牛子

其殼白厚其仁如縮砂仁氣味辛大溫無毒治積冷氣

止吐逆反胃消穀下氣散肺中滯氣治噎膈除瘧疾解

酒毒桂海虞衡志草豆蔻入梅汁鹽漬令色紅暴乾

以薦酒曰紅鹽草果鸚鵡舌卽紅鹽草果之珍者貫始
 結卽頻取紅鹽乾之纔如小舌 本草綱目草豆蔻胡
異物志謂之漏蔻通志謂之草 蘇頌曰嶺南皆有之苗
果金光明經謂之蘇乞迷羅納 如蘆葉似山薑杜若根似高良薑二月間花作穗房生
 於莖下嫩葉卷之而生初如芙蓉花微紅穗頭深紅色
 其葉漸廣花漸出而色漸淡亦有黃白色者結實若龍
 眼子而銳皮無鱗甲皮中子如石榴瓣夏月熟時采之
 暴乾氣味辛溫濇無毒溫中治心腹痛嘔吐下氣止霍
 亂一切冷氣消酒毒調中補胃健脾消食治瘴癘噎膈
 反胃痞滿痰飲積聚開鬱破氣殺魚肉毒制丹砂
彙考 宋史地理志慶遠府貢生豆蔻草豆蔻 五代

史祥何蠻天成二年貢草豆蔻二萬箇 環氏吳記黃
 初二年魏求豆蔻 南方草木狀舊說紅豆蔻花食之
 破氣消痰進酒增倍泰康二年交州貢一筐上試之有
 驗以賜近臣 集仙傳軒轅集不知何許人唐宣宗召
 見時京師素無豆蔻荔支花上因語及集袖中出之二
 花各數百朶皆連枝葉鮮明芳潔如新折者 西溪叢
 語杜牧之詩云娉娉嫋嫋十三餘豆蔻梢頭二月初不
 解豆蔻之義閣本草豆蔻花生葉間南人取其未大開
 者謂之含胎花言尚小如姪身也 花經豆蔻花四品
 六命

集藻 賦散句 晉左思蜀都賦草則藿蒻豆蔻

豆蔻

一

五言律詩宋范成大詠紅豆蔻花詩綠葉蕉心展紅
苞竹籜披貫珠垂寶絡翦綵倒鸞枝且入花欄品休論
藥裹宜南方草木狀為爾首題詩

詩散句唐李涉瘴山江上重相見醉裏同看豆蔻花

韓翃春生豆蔻枝 梁簡文帝江南豆蔻生連枝

縮砂蔻

經本草縮砂蔻嶺南山澤間有之苗莖似高良薑
高三四尺葉長八九寸濶半寸以來三月四月開花在
根下五六月成實五七十枚作一穗狀似益智而圓皮
緊厚而皺有粟紋外有細刺黃赤色皮間細子一團八
隔可四十餘粒如大黍米外微黑色內白而香似白豆

蔻仁七月八月採之辛香可調食味及蜜煎糖纏用
本草綱目縮砂蔻仁氣味辛溫濇無毒治一切氣消食
和中止痛安胎補肺醒脾養胃益腎理元氣通滯氣散
寒飲脹痞噎膈嘔吐除咽喉口齒浮熱化銅鐵骨硬

益智

南方草木狀益智子如筆毫長七八分二月花色若
蓮著實五六月熟味辛雜五味中芬芳亦可鹽曝出交
趾合浦 廣州記葉如蕺荷長丈餘其根上有小枝高
八九寸無花萼莖如竹箭子從心中出一枝有十子叢
生大如小棗其中核黑而皮白核小者佳含之攝涎穢
四破去核取外皮蜜煮為粽食味辛 異物志益智子

類薏苡長寸許如枳椇子味辛辣香如豆蔻
目今之益智子形如棗核而皮及仁皆似草豆蔻氣味
辛溫無毒益氣安神補不足利三焦調諸氣益脾胃理
元氣補腎虛治冷氣腹痛

廣考 南方草木狀建安八年交州刺史張津常以益

智子粽餉魏武帝 二十六國春秋安帝元年盧循為

廣州刺史遺劉裕益智粽裕乃谷以續命湯 廬山記

山果有益智蒲萄 東坡雜記海南產益智花實皆作

長穗而分三節其實熟不以候歲之豐歉其下節以候

蠶禾中上亦如之大凶之歲則皆不實蓋罕有三節並

熟者其為藥治氣止水而無益於智智豈求之於藥其

得此名者豈以知歲耶

集藻 宋僧慧遠答盧循書捐餉六種深抱情至益

名乃是一方異味即於僧中行之

五言古詩 梁劉孝勝詠益智挺芳銅嶺上擢穎石門

端連叢去本葉雜和委雕盤寧推不迷草詎識聰明丸

儻逢公子宴方厭永夜歡

葦茛

增 南方草木狀蒟醬生于蕃國者大而紫謂之葦茛

酉陽雜俎葦撥出摩伽陀國呼為葦撥梨拂林國呼為

阿梨訶馳苗長三四尺莖細如箸葉似葳蕤子似桑椹

八月採 圖經本草嶺南特有之多生竹林內正月發

苗作叢高三四尺其莖如筋葉青圓如莢菜濶二三寸如桑面光而厚三月開花白色在表七月結子如小指大長二寸以來青黑色類椹子而長九月收米曬曝乾南人愛其辛香或取葉生茹之復有舶上來者更辛香
〔本草綱目〕葷撥草木狀作葷芡陳藏器本草作畢勃扶南傳作逼撥大明會典作畢菘氣味辛大溫無毒溫中下氣補腰脚殺腥氣消食除胃冷治霍亂心痛嘔逆醋心臍腑虛冷

別錄 炮灸論凡使去挺用頭以醋浸一宿焙乾以刀刮去皮粟子令淨乃用免傷人肺令人上氣

蒟醬

〔增〕南方草木狀蒟醬生于番禺可以為食故謂之醬焉交趾九真人家多種蔓生 益部方物畧記蒟出渝瀘茂威等州即漢唐蒙所得者葉如玉瓜厚而澤實若桑椹緣木而蔓子熟時外黑中白長三四寸以蜜藏而食之辛香能溫五臟或用作醬善和食味或言即南方所謂浮留藤取葉合檳榔食之 本草綱目蒟子一名土葷芡苗名葷藤一名扶留藤劉歆期交州記云扶留有三種一名獲留其根香美一名扶留其藤味亦辛一名南扶留其葉青味辛氣溫無毒下氣溫中破痰治欬逆上氣心腹蟲痛胃弱虛瀉霍亂吐逆解酒食味散結氣消穀解瘴癘去胸中惡邪氣溫脾燥熱



彙考 **增** 漢書西南夷傳大行王恢使番禺令唐蒙風曉南粵南粵食蒙蜀枸醬蒙問所從來曰道西北牂柯江江廣數里出番禺城下蒙歸至長安問蜀賈人獨蜀出枸醬多持竊出市夜郎夜郎者臨牂柯江江廣百餘步足以行船南粵以財物役屬夜郎西至桐師然亦不能臣使也

集藻 **贊** **增** 宋宋祁枸醬贊蔓附木生實若樵纍或曰浮留南人謂之和以為醬五味告宜

五言絕句 **增** 宋朱子扶留根節含露辛苔頰扶援綠蠻中靈草多夏永清陰足

別錄 **增** 炮灸論凡采得後以刀刮去麤皮擣細每五錢

用生薑自然汁五兩拌之蒸一日曝乾用

肉豆蔻

增 本草綱目肉豆蔻一名肉果一名迦拘勒 寇宗奭曰肉豆蔻對

草豆蔻為名李時珍曰花蘇頌曰嶺南人家種之春生實皆似豆蔻而無核故名

苗夏抽莖開花結實似豆蔻六月七月采之李時珍曰花實雖似草豆蔻而皮肉之類則不同類外有皺紋而

內有斑縷紋如檳榔紋最易生蛀惟烘乾密封則稍可

留氣味辛溫無毒溫中消食止洩治積冷心腹脹痛霍

亂中惡鬼氣冷症嘔沫小兒乳霍調中下氣開胃解酒

毒治痰飲心腹蟲痛脾胃虛冷氣赤白痢

別錄 **增** 炮灸論凡使須以糯米粉湯搜裹豆蔻干塘灰

火中煨熟去粉用勿令犯鐵

補骨脂

增本草綱目補骨脂一名破故紙一名婆固脂一名胡

韭子補骨脂言其功也番人呼為婆固脂而俗訛馬志

日生嶺南諸州及波斯國蘇頌曰今嶺外山坂間多有

之四川合州亦有皆不及番舶者佳莖高三四尺葉小

似薄荷花微紫色實如麻子圓扁而黑九月采氣味辛

大溫無毒治五勞七傷風虛令骨髓傷敗腎冷及婦人

血氣墮胎男子腰疼膝冷逐諸冷痺頑通命門暖丹田

歛精神

別錄**增**炮炙論此藥燥毒須用酒浸一宿漉出以東流

水浸三日夜蒸之從巳至申日乾用一法以鹽同炒過
曝乾

薑黃

增本草綱目薑黃一名遊一名寶鼎香蘇恭曰薑黃根

葉都似鬱金其花春生於根與苗並出入夏花爛無子

蘇頌曰今江廣蜀川多有之葉青綠長一二尺許濶三

四寸有斜文如紅焦葉而小花紅白色至中秋漸凋春

末方生其花先生次方生葉不結實根盤屈黃色類生

薑而圓有節八月采根片切暴乾蜀人以治氣脹及產

後敗血攻心甚驗蠻人生噉云可祛邪辟惡李時珍曰

近時以扁如乾薑形者為片子薑黃圓如蟬腹形者為

補骨脂 薑黃

左

蟬肚鬱金並可浸水染色根氣味辛苦大寒無毒治心腹結積疰忤下氣破血除風熱消癰腫治癩瘕血塊通經治撲損瘀血止暴風痛冷氣下食祛邪辟惡

鬱金二種同名

增本草綱目鬱金一名馬薺朱震亨曰鬱金無香而性

古人用治鬱遏不能升者恐命名因此也李時珍曰酒和鬱金昔人言是大秦國所產鬱金花香惟鄭樵通志言即是此鬱金其大秦三代時未通中國安得有此草羅願爾雅翼亦云是此根和酒令黃如金故謂之黃流其說並通此根形狀皆似蘇恭曰鬱金生蜀地及西戎菽蕪而醫馬病故名馬薺苗似薑黃花白質紅未秋出莖心而無實其根黃赤取四畔子根去皮火乾馬藥用之破血而補番人謂之馬薺嶺南者有實似小豆不堪噉李時珍曰其苗如薑其

根大小如指頭長者寸許體圓有橫紋如蟬腹狀外黃內赤人以浸水染色亦微有香氣氣味辛苦寒無毒治血積下氣生肌止血破惡血治女人宿血氣心痛冷氣結聚失心顛狂蠱毒 鬱金香一名鬱香一名紅藍花一名紫述香一名草麝香一名茶矩摩蘇頌曰說文解鬱乃百草之英合而釀酒以降神乃遠方鬱人所貢故謂之鬱鬱今鬱林郡也李時珍曰漢鬱林郡即今廣西貴州潯柳邕賓諸州之地一統志惟載柳州羅城陳藏縣出鬱金香即此也金光明經謂之茶矩摩香 陳藏器曰鬱金香生大秦國二月三月有花狀如紅藍四月五月采花即香也氣味苦溫無毒治蠱野諸毒心腹間惡氣鬼疰鴟鵂等一切臭入諸香藥用

彙考詩大雅釐爾圭瓚秬鬯一亩告於文人傳秬黑

黃草芳譜 藥譜二 鬱金



黍也鬯香草也築煮合而鬱之曰鬯疏正義曰禮有鬱
鬯者築鬱金之草而煮之以和秬黍之酒使之芬香條
鬯故謂之鬱鬯非草名而此傳言鬯草者蓋亦謂鬱
爲鬯草何者禮緯有秬鬯之草中候有鬯草生郊皆謂
鬱金之草也以其可和秬鬯故謂之鬯草毛言鬯草蓋
有然也 梁書海南傳鬱金獨出罽賓國華色正黃而
細與芙蓉華裏被蓮者相似國人先取以上佛寺積日
香槁乃糞去之 唐書西域傳天竺國貨有金剛旃檀
鬱金與大秦扶南交趾相貿易 烏茶國產鬱金 東
安國開元中遣使獻鬱金香石蜜等 大勃律國地宜
鬱金 箇失蜜地出鬱金 詩含神霧鬱金十葉爲貫

百二十貫采以煮之爲鬯合芳物釀之以降神 水經
注秦桂林郡漢武帝元鼎六年更名鬱林郡王莽以爲
鬱平郡矣應劭地理風俗記曰周禮鬱人掌探器凡祭
醑賓客之探事和鬱鬯以實樽彝鬱芳草也百草之華
煮以合釀黑黍以降神者也或說今鬱金香是也一日
鬱人所貢因氏郡矣 唐紀太宗時伽毘國獻鬱金香
葉似麥門冬九月開花狀似芙蓉其色紫碧香聞數十
步花而不實欲種者取根 妝樓記鬱金芳草也染婦
人衣最鮮明然不奈日炙染成衣則微有鬱金之氣
集藻頌晉左九嬪鬱金頌伊此奇草名曰鬱金越自
殊域厥珍來尋芬香酷烈悅目欣心明德維馨淑人是

欽窈窕如媛服之襜衿永重名實曠世弗沈

賦 **增** 漢朱公叔鬱金賦歲朱明之首月兮步南園以迴眺覽草木之紛葩兮美斯華之英妙布綠葉而挺心吐芳榮而發耀衆華爛以俱發鬱金邈其無雙比光榮於秋菊齊英茂乎春松遠而望之粲若羅星出雲垂近而觀之暉若丹桂曜湘涯赫乎扈扈萋兮猗猗清風逍遙芳越景移上灼朝日下映蘭池觀茲榮之瑰異副歡情之所望折英華以飾首曜靜女之儀光瞻百草之青青羌朝榮而夕零美鬱金之純偉獨彌日而久停晨露未晞微風肅清增妙容之美麗發朱顏之熒熒作椒房之珍玩超衆葩之獨靈 **晉傳** 玄鬱金賦葉萋萋兮翠青

英蘊蘊而金黃樹晚藹以成蔭氣芬馥而含芳凌蘇合之殊珍豈艾納之足方榮曜帝寓香播紫宮吐芬揚烈萬里望風

詩散句 **增** 唐段成式鬱金種得花茸細添入春衫領裏香

蓬莪茂

增 本草綱目蓬莪茂一名逆藥馬志曰生西戎及廣南諸州葉似蘘荷子似乾椹茂在根下並生一好一惡惡者有毒西人取之先放羊食羊不食者棄之蘇頌曰今浙江或有之三月生苗在田野中其莖如錢大高二三尺葉青白色長一二尺大五寸以來頗類蘘荷五月有

花作穗黃色頭微紫根如生薑而茂在根下似雞鴨卵
大小不常九月采削去麤皮蒸熟暴乾用氣味苦辛溫
無毒治心腹痛中惡疰忤鬼氣霍亂冷氣吐酸水解毒
療婦人血氣結積丈夫奔豚破疔癰治一切氣開胃消
食通經消痰血止撲損痛下血及內損惡血

別錄 炮炙論凡使于砂盆中以醋磨合盡然後于火
畔煨乾重篩過用 **本草綱目** 今人多以醋炒或煑熟
入藥取其引入血分也

荆三稜

增 **本草綱目** 荆三稜 蘇頌曰三稜草有三稜也生荆楚
地故名荆三稜開寶本草作京者
誤 陳藏器曰三稜總有三四種京三稜黃色體重狀若

鯽魚而小又有黑三稜狀如烏梅而稍大體輕有鬚相
連蔓延作漆色蜀人以織為器一名蔞蘇頌曰今荆襄
江淮濟南河陝間皆有之多生淺水旁及陂澤中春生
苗葉似莎草極長高三四尺又似菱蒲葉而有三稜五
六月抽莖高四五尺大如人指有三稜如削成莖端開
花大體皆如莎草而大黃紫色苗下即魁初生成塊如
附子大或有扁者其旁有根橫貫一根則連數魁魁上
亦出苗其魁皆扁長如小鯽魚體重者三稜也其根末
將盡一魁未發苗小圓如烏梅者黑三稜也又根之端
鈎曲如爪者雞爪三稜也皆皮黑肌白而至輕或云不
出苗只生細根者謂之雞爪三稜又不生細根者謂之

黑三稜大小不常其色黑去皮即白三者本一種但力有剛柔各適其用因其形為名又河中府有石三稜根黃白色形如釵股葉綠如蒲苗高及尺亦有三稜四月開花白色如蓼紅花五月采根亦消積氣李時珍曰三稜多生荒廢陂池濕地春時叢生夏秋抽高莖莖端復生數葉開花六七枝花皆細碎成穗黃紫色中有細子其葉莖花實俱有三稜並與香附苗葉花實一樣但長大爾其莖光滑三稜如樓之葉莖莖中有白穰剖之織物柔韌如藤呂忱字林云葵草生水中根可緣器即此草莖非根也抱朴子言葵根化鱉亦是此草其根多黃黑鬚削去鬚皮乃如鯽狀非本根似鯽也氣味苦平無

毒治老癬癥瘕積聚結塊調血破氣治婦產後諸病療瘡腫下乳汁須用醋浸一日炒或煮熟焙乾入藥乃良

香附子 苗為莎草 別見丹譜

原香附子莎草根也一名草附子一名莎結一名水香稜一名續根草一名地賴根一名水巴戟上古謂之雀頭香 本草綱目云其根相附連續而生可以合香故謂之香附子古謂之雀頭香其葉似三稜及巴戟而生下濕地故有水俗人呼為雷公頭金光明經謂之月三稜水巴戟之名萃叻記事珠謂之抱靈居士生田野在處有之葉如老韭葉而硬光澤有劍脊稜五月中抽一莖三稜中空莖端出數葉開青花成穗如黍中有細子其根有鬚鬚下結子一二枚轉相延生子上有細黑毛大者如羊棗



而兩頭尖采得燎去毛棘乾氣味辛微苦甘平無毒足厥陰手少陽藥也兼行十二經八脈氣分散時氣寒疫利三焦解六鬱消飲食積聚痰飲痞滿肘腫腹脹脚氣止心腹肢體頭目齒耳諸痛癰疽瘡瘍吐血下血婦人崩帶經閉胎前產後百病爲女科要藥其功能推陳致新故諸書皆云益氣而俗有耗氣之說又謂宜於女人不宜於男子者非矣蓋婦人以血用事氣行則血行無疾老人精枯血閉惟氣是資小兒氣日充則形乃日固大凡病則氣滯而餒香附於氣分爲君藥世所罕知臣以參芪佐以甘草治虛怯甚速

彙考原江表傳魏文帝遣使於吳求雀頭香

增清異

錄香附子湖湘人謂之回頭青言就地剗去轉首已青也

別錄原修治凡采得曝乾火燎去毛童便浸透洗曬搗用或生或炒或酒醋鹽水浸各從本方稻草煮之味不苦香附之氣平而不寒香而能竄其味辛能散微苦能降微甘能和乃足厥陰肝手少陽三焦氣分主藥而通下二經氣分生則上行胸膈外達皮膚熟則下走兩腎外徹腰足炒黑則止血得童洩浸炒則入血分而補虛鹽水浸炒則入血分而潤燥青鹽炒則補腎氣酒浸炒則行經絡醋浸炒則消積聚薑汁炒則化痰飲得參木則補氣得歸芩則補血得木香則流滯和中得檀香

則理氣醒脾得沉香則升降諸氣得芎藭蒼朮則總解
諸鬱得梔子黃連則能降火熱得伏神則交濟心腎得
茴香破故紙則引氣歸元得厚朴半夏則決壅消脹得
紫蘇蔥白則解散邪氣得三稜莪朮則消磨積塊得艾
葉則治血氣暎子宮乃氣病之總司女科之主帥也

艾納香

增開寶本草廣志云艾納出西國似細艾又有松樹皮
上綠衣亦名艾納與此不同其氣味甘溫平無毒治惡
氣殺蟲主腹冷洩痢傷寒五洩心腹注氣止腸鳴下寸
白燒之辟瘟疫合蜂窠浴腳氣治癰辟蛇

兜納香

增海藥本草案廣志云兜納香出西海剽國諸山魏畧
云出大秦國草類也氣味辛平無毒溫中除暴冷惡瘡
腫癢止痛生肌並入膏用燒之辟遠近惡氣帶之夜行
壯膽安神與茅香柳枝煎湯浴小兒易長

藿香

增南州異物志藿香出海邊國形如都梁可著衣服中
交州記藿香似蘇合 本草綱目藿香豆葉曰藿其
葉似之故名
楞嚴經謂之兜婁婆香法華經謂之多摩羅跋香金光
明經謂之鉢怛羅香涅槃又謂之迦算香蘇頌曰嶺南
多有之人家亦多種二月生苗莖梗甚密作叢葉似桑
而小薄六七月采之須黃色乃可收李時珍曰莖方有

節中虛葉微似茄葉氣味辛微溫無毒治風水毒腫去惡氣止霍亂心腹痛吐逆開胃溫中快氣香口

彙考 吳外國傳都昆在扶南南三千餘里出藿香

夢溪筆談西陽雜俎記事多誕如云一木五香根旃檀

節沉香花雞舌葉藿膠薰陸此尤謬旃檀與沉香兩木

元異雞舌即今丁香耳藿香自是章葉南方至多薰陸

小木而大葉海南亦有薰陸乃其膠也今謂之乳頭香

五物迥殊原非同類 王氏談錄公言蘭蕙二草今人

蓋無識者或云藿香為蕙草

集源 頌 梁江淹藿香頌桂以過烈麝以太芬摧沮天

壽天抑人文誰及藿香微馥微薰攝靈百仞養氣青雲

附錄 藿山草

增 廣東志肇慶府德慶州東北五里曰藿山峰巒鬱秀

上有草如藿香

麻伯

增 名醫別錄麻伯一名君苕一名衍草一名道止一名

自死生平陵如蘭葉厚白裹莖實赤黑九月采根味酸

無毒主益氣出汗

相鳥

增 名醫別錄相鳥一名烏葵如蘭香赤莖生山陽五月

十五日采陰乾味苦治陰痿

天雄草

本草綱目卷之六 藿草 相鳥 天雄草



增名醫別錄天雄草生山澤中狀如蘭實如大豆赤色味甘溫無毒主益氣

益妳草

本草拾遺益妳草生永嘉山谷葉如澤蘭莖赤高二三尺味苦平無毒治五痔止血炙令香浸酒服


香薷

原香薷一名香茸一名香菜一名蜜蜂草本草綱目云薷本草玉篇云菜蘇之類是也其氣香其葉柔故以名之草初生曰茸食療本草作香戎者非俗呼蜜蜂草象其花房也中州人呼為香菜以充蔬品所在皆種但北土差少有野生者有家蒔者方莖尖葉有刻缺似黃荊葉而小九月開紫花成穗有細子汴洛作圃種之暑月作蔬生茹十月采取乾

之圖經本草云又有一種石香菜生石上莖葉更細色黃而辛香彌甚本草綱目云一名石蘇高僅數寸葉如落帚葉與香薷同一物也但隨所生而名爾氣味辛微溫無毒下氣除煩熱療霍亂腹痛嘔逆冷氣脚氣寒熱解暑治水李時珍云世醫治暑病以香薷飲為首藥不知中暑有頭痛發熱惡寒煩燥口渴或瀉或吐或霍亂者宜用有大熱大渴汗泄如雨煩燥喘促或瀉或吐乃勞倦內傷之症宜瀉火益元若用香薷是重虛其表而益之熱矣

別錄原修治八九月開花著穗時采取去根苗葉陰乾勿犯火氣服至十兩一生不得食白山桃

香薷 爵祿 赤車使者



爵牀

增本草綱目爵牀一名爵麻一名香蘇蘇茶曰此草生平澤熟田近道旁似香葉葉長而大或如荏且細俗名赤眼老母草李時珍曰原野甚多方莖對節與大葉香薷一樣但香薷搓之氣香而爵牀搓之不香微臭以此為別氣味鹹寒無毒治腰脊痛不得措牀俛仰艱難除熱可作浴湯療血脹下氣治杖瘡


赤車使者

增本草綱目赤車使者一名小錦枝蘇茶曰苗似香葉蘭香葉莖赤根紫赤色八月九月采日乾韓保昇曰生荊州襄州根紫如禱根二月八月采李時珍曰此與爵

牀相類但以根色紫赤為別爾氣味辛苦溫有毒治風冷邪疰蠱毒癥瘕五臟積氣治惡風冷氣服之悅澤肌皮好顏色

假蘇

增本草綱目假蘇一名薑芥一名荆芥一名鼠萸蘇恭曰此即荆芥也薑芥聲訛爾曰蘇曰薑曰蘇頌曰處處有之芥皆因氣味辛香如蘇如薑如芥也葉似落藜而細初生香辛可噉人取作生菜古方稀用近世醫家為要藥並取花實成穗者曝乾入藥又有胡荆芥俗呼新羅荆芥又有石荆芥生山石間體性相近入藥亦同李時珍曰荆芥原是野生今為世用遂多栽蒔二月布子生苗炒食辛香方莖細葉似獨帚葉而狹



小淡黃綠色八月開小花作穗成房房如紫蘇房內有
細子如葶藶子狀黃赤色連穗收採用之氣味辛溫無
毒治寒熱鼠瘦癩癧生瘡破結聚氣下瘀血除濕疔去
邪除勞渴冷風出汗傅丁腫腫毒作菜生熟皆可食并
煎茶飲之散風熱清頭目利咽喉消瘡腫祛風邪消瘡
毒

薄荷

原薄荷一名菝葜一名蕃荷菜一名南薄荷一名吳菝
葜一名金錢薄荷本草綱目云薄荷食性本草作菝葜
音跋活甘泉賦作菝葜字林作菝葜
俗訛為薄荷千金方作蕃荷又方音之訛也以蘇州者
為勝故謂之吳菝葜以別于胡菝葜也衍義云世稱此
為菝葜以別于龍腦薄荷會編云
金錢薄荷謂其葉小頗圓如錢也二月宿根生苗清

明前後分栽方莖赤色葉對生初生形長而頭圓及長
則尖人家多栽之吳越川湖多以代茶蘇州所蒔者莖
小而氣芳尤以產儒學前者為佳江西者稍麤川蜀者
更麤氣味辛涼無毒利咽喉口齒諸病治療癩瘡疥風
瘙癢疹去舌胎語澀止衄血塗蜂螫蛇傷療小兒驚熱
集藻七言絕句**原**宋陸游題畫薄荷扇薄荷花開蝶翅
翻風枝露葉弄秋妍自憐不及狸奴點爛醉籬邊不用
錢一枝香草出幽叢雙蝶紛飛戲晚風莫恨邨居相
識晚知名元向楚辭中

別錄晉束皙發蒙記貓以薄荷為酒謂飲之即醉也

物類相感志薄荷去魚腥**原**收採凡收薄荷須隔

夜以糞水澆之雨後刈收則性涼不爾不涼
生食同薤作藿相宜病薄荷勿食令人虛汗不止瘦弱
人久食動消渴病

地錢

增西陽雜俎地錢葉圓莖細有蔓生溪澗邊一日積雪
草亦曰連錢草 本草綱目積雪草一名胡薄荷一名
海蘇陶弘景曰積雪草方藥不用想此草以寒涼得名耳蘇恭曰此草葉圓如錢荆楚人謂爲地錢草
蘇頌曰處處有之八九月采苗葉陰乾用按天寶單行
方云連錢草生咸陽下濕地亦生臨淄郡濟陽郡池澤
中甚香俗間或云圓葉似薄荷江東吳越丹陽郡極多
彼人常充生菜食之河北柳城郡盡呼爲海蘇好近水

生經冬不死咸陽洛陽亦有之或名胡薄荷寇宗奭曰
南方多有生陰濕地不必荆楚形如水荇而小面亦光
潔微尖爲異葉葉各生今人謂之連錢草蓋取象也蘇
頌圖經云胡薄荷與薄荷相類但味少甘生江浙間彼
人多以作茶飲俗呼爲新羅薄荷天寶方所用連錢草
是也氣味苦寒無毒治大熱惡瘡癰疽傳熱腫丹毒治
瘰癧鼠漏寒熱男女血病

紫蘇

原紫蘇一名赤蘇本草綱目云蘇性舒暢行氣和血一故謂之蘇曰紫曰赤以色名也
名桂荏爾雅云蘇桂荏註云蘇荏類故名桂荏又一種白蘇皆二三月下
種或宿子在地自生莖方葉圓而有尖四圍有鉅齒肥

廣群芳譜

地錢

紫蘇

三

地者面背皆紫瘠地背紫面青其面背皆白即白蘇乃
荏也紫蘇五六月連根收採以火煨其根陰乾則經久
葉不落八月開細紫花成穗作房如荊芥穗九月半枯
時收子子細如芥子而色黃赤又有一種花紫蘇其葉
細齒密紐如翦成狀香色莖子並無異者人種回回蘇
莖葉子俱辛溫無毒氣辛入氣分色紫入血分解肌發
表行氣寬中消痰利肺和血溫中止痛定喘開胃安胎
散風寒解魚蟹毒治蛇犬傷為近世要藥

彙考 **增**沙州記乞弗虜之地不種五穀惟食蘇子

集藻 **增**五言古詩 **增**宋劉敞採紫蘇歲暮有秋望帶經且
親鋤今茲五月交盛陽精已徂養生寄空瓢雖乏未可

虛止以營一飲形骸如此劬

別錄 **原**製用葉生採作羹殺一切魚肉毒嫩時採葉和

蔬茹之或鹽及梅滷作菹食甚香夏月作熟湯飲之

務本新書田畔近道可種蘇以遮六畜收子打油燃燈

甚明或熬之以油器物 **丹房鏡源**蘇子油能柔五金

八石 **宋氏**種植書子與葉同功發散風氣用葉清利

上下用子 香紫蘇採蘇嫩心長三寸許勿見水約三

斤用鹽二兩醃一宿梅滷浸三日曬乾入甘草甘松白

芷末拌勻摻收之 製細酸紫蘇葉同菱白青梅作絲

入白糖曝乾細酸平時取咀嚙之利痕結消五鬲 雲

南紫蘇頭葉入梅醬醃一日取出用糖浸可作佳蔬其

子醋浸甚爽酒 白蘇子乾收炒熟最香入糖煎拌芝
麻均為佳品 **禁忌**宋仁宗命翰林院定湯飲以紫蘇
熱水為第一取其能下胸膈浮氣也不知久則瀉人真
氣

水蘇

增本草綱目水蘇一名雞蘇一名香蘇一名龍腦薄荷
一名芥菹一名芥苴 此草似蘇而好生水旁故名水蘇
其葉辛香可以煮雞故有龍腦香
蘇雞蘇諸名芥菹芥苴當作
芥蘇以其味辛如芥故名 三月生苗方莖中虛葉似
蘇葉而微長密齒而皺色青對節生氣甚辛烈六七月
開花成穗如蘇穗水紅色穗中有細子狀如荊芥子可
種易生宿根二月生沃地者苗高四五尺氣味辛微溫

無毒理血下氣清肺消穀除飲食辟口臭去邪毒辟惡
氣久服通神明輕身耐老

薺葶

增本草綱目薺葶一名臭蘇一名青白蘇 云其形似水
蘇而青故 處處平地有之葉似野蘇而稍長有毛氣臭
有二人名 山人茹之味不甚佳氣味辛溫無毒治冷氣洩痢生食
除胸間酸水按碎傅蟻瘻

附石薺葶

增本草拾遺石薺葶生山石間細葉紫花高一二尺山
人用之味辛溫無毒治風冷氣瘡疥瘙痒痔瘻下血煮
汁服之

菴藷

增本草綱目菴藷一名覆間菴草屋也間里門也此草乃蒿屬者莖可以蓋覆菴
間故以名之貞元廣葉似菊葉而薄多細丫面背皆青
高者四五尺其莖白色如艾莖而麤八九月開細花淡
黃色結細實如艾實中有細子極易繁衍藝花者以之
接菊子氣味苦微寒無毒治五臟瘀血腹中水氣臃脹
留熱風寒濕痺身體諸痛久服輕身延年不老療心下
堅隔中寒熱周痺通經消食明目驅驢食之神仙


附對廬

增名醫別錄對廬似菴藷八月采味苦寒無毒主疥瘡
久不瘳生肌除大熱煮汁洗之

艾

原艾一名醫草一名冰臺一名艾蒿爾雅云艾水臺一注云今艾蒿
名黃草處處有之宋時以湯陰覆道者為佳近代湯陰
者謂之北艾四明者謂之海艾自成化以來惟以蘄州
者為勝謂之蘄艾相傳蘄州白家山產艾置寸板上灸
之氣徹於背他山艾微五分湯陰艾僅三分以故世皆
重之此草宿根二月生苗成叢莖白色直上高四五尺
葉四布狀如蒿分五尖極上復有小尖面青背白有茸
而柔厚味苦而辛生則溫熟則熱七八月葉間出穗如
車前穗細花結實累累盈枝中有細子霜後始枯皆以
五月五口連莖刈取曝乾收葉以灸百病凡用艾陳久

本草綱目 卷之三 艾



者良治令細軟謂之熟艾若生艾灸火傷入肌脈作煎
治諸血病溫中逐冷除濕搗汁服止傷血殺蛇蟲治心
腹一切冷氣鬼氣其莖乾之染麻油引火點灸炷滋潤
灸瘡至愈不痛又可代著策作燭心

彙考 **增** 詩王風彼采艾兮一日不見如三歲兮 **原** 孟
子猶七年之病求三年之艾也 **增** 隋書酷吏傳屈突

蓋爲武侯驃騎嚴刻長安爲之語曰寧茹三升艾不逢
屈突蓋 **唐書南蠻傳** 婆利者直環王東南多火珠大

者如雞卵圓白照數尺日中以艾藉珠輒火出 **師曠**
占艾先生則歲多病 **西民月令** 三月可採艾 **漢武**

內傳 西王母神仙次藥有靈叢艾 **博物志** 削冰令圓

舉以向日以艾於後承其影則得火 **原** 荆楚歲時記

五月五日採艾以爲人懸門戶上以禳毒氣按宗則字
文度嘗以五月五日雞未鳴時採艾見似人處攬而取
之 **增** 老學庵筆記 祖母楚國夫人病累月醫藥莫効

一日有老道人狀貌甚古探囊出少艾取一甄灸之祖
母方臥忽覺腹間痛甚如火灼道人徑去疾馳不可及
祖母病遂愈 **獨醒雜志** 樞密孫公抃生數日患臍風

已不救家人乃盛以盤合將棄諸江道遇老媪曰兒可
活卽與俱歸以艾灸臍下遂活 **原** 外國記安南艾山

上有仙艾每春仲開花雨後落水面羣魚吞之化爲龍
者十九

齊孔璠之艾贊論藹靈艾蔚彼修坂混區羣
卉理深用遠 明李言聞艾贊產于山陽采以端午治
病灸疾功非小補

賦增齊孔璠之艾賦良藥弗達妙針莫宣奇艾急病靡
身挺煙治匪君臣得用神火振淹固於一爛氣絕息乎
無假淳建投而招崇鉗椒擣而貽禍伊茲艾之淑粹仍
索質於中野嗟乎貞灰與邪燼迭御芳煙與苦蘭競薰
是以艾正而賤蘭妖而珍故言堯則桀對舉蘭則艾因
文賦散句增楚屈原離騷扈服艾以盈腰兮謂幽蘭其
不可佩 漢張衡思立賦寶蕭艾于重篋兮謂蘭蕙之
不香 唐陳章艾人賦採彼艾兮及此佳辰標至靈以

衛物因善救以成人

詩散句原宋章得象艾葉成人後榴花結子初增梁

沈約艾葉彌南浦 庾肩吾漢艾凌波出 唐孟浩然

采艾值幽人

附錄 千年艾

增本草綱目千年艾出武當太和山中小莖高尺許其
根如蓬蒿其葉長寸餘無尖極面青背白秋開黃花如
野菊而小結實如青珠丹顆之狀三伏日采葉曝乾葉
不似艾而作艾香搓之即碎不似艾葉成茸也氣味辛
微苦溫無毒治男子虛寒婦人血氣諸痛

陰地厥

增圖經本草陰地厥生鄧州順陽縣內鄉山谷葉似青蒿莖青紫色花作小穗微黃根似細辛七月采根用氣味甘苦微寒無毒治腫毒風熱

九牛草

增圖經本草九牛草生筠州山岡上二月生苗獨莖高一尺葉似艾葉圓而長背有白毛面青五月采苗用氣味微苦有小毒解風勞治身體痛與甘草同煎服不入衆藥用


益母草

原益母草一名萑一名蕝一名茺蔚一名貞蔚一名益明一名野天麻一名火坎一名猪麻一名苦低草一名

夏枯草一名土質汗一名鬱臭草

爾雅云萑蕝註云今茺蔚也廣雅名益母

本草綱目云此草及子皆茺盛密蔚故名茺蔚其功宜于婦人及明目益精故有茺母益明之稱其莖方類麻故謂之野天麻俗呼為猪麻猪喜食之也夏至後即枯故亦有夏枯之名近勅方謂之土質汗質汗出西番治金瘡折傷益母亦治折傷故名劉欽云蕝臭穢也處處拾遺云田野間人呼為鬱臭草卑雅又謂之蔚臭處處有之春初生苗如嫩蒿入夏長三四尺莖方如黃麻莖葉青如艾葉而背青一梗三葉有尖岐寸許一節節間花苞叢簇抱莖四五月開小花紅紫色每萼內子數粒大如同蒿子有三稜褐色其草生時有臭氣夏至後即枯根白色味甘微辛氣溫無毒和血行氣有助陰之功治婦女一切諸病能明目益精久服令人有子治手足厥陰血分風熱及女人諸病單用子若治腫毒瘡瘍消



水行血胎產諸病則根莖花葉並用蓋根莖花葉專于
行而子則行中有補也

彙考增 詩王風中谷有蕓註蕓離也即今益母草也

別錄原 修治 凡用益母根莖切以竹刀忌鐵器用子微

炒香或砂鍋蒸熟曝乾春取仁用 辨訛按閩閩事宜

爾雅陳藏器皆以白花者為益母紫花者為野天麻返

魂丹註以紫花者為益母白花者不是千金方以為一

物二種凡花皆有赤白如牡丹芍藥菊花之類李時珍

以二色花皆益母白花者主氣分紫花者主血分分別

而用之可也 製用唐天后澤面法五月五日采根苗

具者勿著土曬乾搗羅以水和成團雞子大再曝乾作

一爐四旁開竅上下置火安藥中央大火燒一炊久去
大火留小火養之勿令火絕經一伏時取出瓷器中研
極細收用如澡豆法日用一方每十兩加滑石一兩脂
脂一錢

鑿菜

增圖經本草鑿菜生江南陰地似益母方莖對節曰花

李時珍曰此即益母之白花者乃一物二種故亦主血

病與益母功同嫩苗可食故謂之菜氣味辛平無毒破

血治產後腹痛煮汁服

薇銜


增本草綱目薇銜一名糜銜一名鹿銜一名吳風草一

薇銜

鑿菜

薇銜

三



名無心一名無顛一名承膏一名承騰蘇恭曰南人謂之吳風草一名

鹿銜草言鹿有疾銜此草即瘥李時珍曰據蘇說則薇銜糜銜當作麋銜也鹿糜一類也按鄜道元水經注云魏興錫義山多生薇銜草有風不偃無風獨搖則吳風亦當作無風乃通陳藏器曰一名無心草非草之無心者方藥別錄曰薇銜生漢中川澤及宛句邯鄲七月采少用

莖葉陰乾蘇恭曰此草叢生似茺蔚及白頭翁其葉有毛赤莖又有大小二種楚人謂大者為大吳風草小者為小吳風草韓保昇曰葉似茺蔚叢生有毛其花黃色其根赤黑色氣味苦平無毒治風濕痺歷節痛驚癇吐舌悸氣賊風鼠瘻癰腫暴癩逐水療痿躄久服輕身明目

夏枯草

增本草綱目夏枯草一名夕句一名乃東一名燕面一


名鐵色草朱震亨曰此草夏至後即枯蓋稟純陽之氣得陰氣則枯故有是名蘇恭曰處

處有之生平澤冬至後生葉似旋覆三月四月開花作穗紫白色似丹參花結子亦作穗五月便枯四月采之李時珍曰原野間甚多苗高一二尺許其莖微方葉對節生似旋覆葉而長大有細齒背白多故莖端作穗長一二寸穗中開淡紫小花一穗有細子四粒嫩苗淪過浸去苦味油鹽拌之可食氣味苦辛寒無毒治寒熱瘰癧鼠瘻頭瘡破癥散癭結氣脚腫濕痺輕身

劉寄奴草

增本草綱目劉寄奴草詳見述異記一名金寄奴一名烏藤

廣羣芳譜 卷之六 夏枯草 劉寄奴草



菜鄭樵通志云江南人因漢時謂劉為卯金刀乃呼劉為金思以又有金寄奴之名江東人謂之烏藤菜云

一莖直上葉似蒼术尖長糙澀面深背淡九月莖端分開數枝一枝攢簇十朶小花白瓣黃藥如小菊花狀花罷有白絮如苦買花之絮其子細長亦如苦買子氣味苦溫無毒破血下脹下血止痛治產後餘疾止金瘡血極効多服令人下痢

異記宋武帝微時伐荻於新洲見大蛇長數丈遂射之傷明日復往觀之間杵臼聲覘見數青衣童子搗藥問其故荅曰我王為劉寄奴所射今合藥傳之帝曰何神也童子不荅帝叱之皆散收得藥人因名此草為劉寄奴

曲節草

增本草綱目曲節草一名六月凌一名六月霜一名綠豆青一名蛇藍此草性寒故有凌霜綠豆之名蘇頌曰生均州四月生苗莖方色青有節葉似劉寄奴而青軟七八月著花似薄荷結子無用五月六月采莖葉陰乾氣味甘平無毒治發背瘡消癰腫拔毒同甘草作末米汁調服

麗春草

與花譜麗春名同物異

增圖經本草麗春草生檀嶠山川谷檀嶠山在高密界河南淮陽郡潁川及譙郡汝南郡等並呼為龍羊草河北近山鄴郡汲郡並名叢蘭艾上黨紫團山亦有名定參草又名仙女蒿花及根並治癰黃黃疽

青箱

增本草綱目青箱一名草蒿一名萋蒿一名崑崙草一名野雞冠一名雞冠莧子名草决明青箱名義未詳胡麻葉亦名青萋此青蒿亦名草蒿其功相似各亦相同其子明而然明子同功故有草决明之名其花葉似雞冠嫩苗似莧故謂之雞冠莧陳藏器曰荆襄人謂之崑崙草生田野間嫩苗可食長則高三四尺苗葉花實與雞冠花一樣無別但雞冠花穗或有大而扁或團者此則梢間出花穗尖長四五寸狀如兔尾水紅色亦有黃白色者在穗中與雞冠子及莧子一樣難辨莖葉氣味苦微寒無毒治邪氣皮膚中熱風癢身癢殺三蟲惡瘡疥蝨痔蝕蠶瘡搗汁服療溫癩止金瘡血子氣味苦微寒無毒

治唇口青五臟邪氣益腦髓鎮肝明目堅筋骨去風寒濕痺治肝臟熱毒衝眼赤障青盲翳腫惡瘡疥瘡


附桃朱術錄

增本草綱目蕭炳曰青箱一種花黃者名陶朱術苗相似陳藏器曰桃朱術生園中細如芹花紫子作角以鏡向旁敲之則子自發五月五日乃收子帶之令婦人爲夫所愛

附天靈草錄

增土宿真君本草天靈草狀如雞冠花葉亦如之折之有液如乳生江湖荆南陂池間五月取汁可制雄硫黃雌煉砂

廣群芳譜 卷二 桃朱術 天靈草



附 思莫子

炮炙論思莫子鼠細子二件真似青箱子只是味不同思莫子味苦煎之有涎

大薊

本草綱目大薊一名虎薊陶弘景曰大薊是虎薊小薊是貓薊葉並多刺相似一名馬薊一名刺薊一名山牛蒡一名雞項草一名千針草一名野紅花薊猶髻也其花如髻也曰虎曰貓因其根似牛蒡根也雞項因其莖似雞之項千針紅花皆其花狀也鄭樵通志謂爾雅之藜曰狗毒者即此未知是否陳藏器曰薊門以多薊蘇恭曰大小薊葉雖相似得名當以北方者為勝也蘇恭曰大小薊葉雖相似功力有殊大薊生山谷根療癰腫小薊生平澤不能消腫而俱能破血蘇頌曰小薊處處有之俗名青刺薊二

月生苗二三寸時併根作菜茹食甚美四月高尺餘多刺心中出花頭如紅藍花而青紫色北人呼為千針草四月采苗九月采根並陰乾用大薊苗根與此相似但肥大爾寇宗奭曰大小薊皆相似花如髻但大薊高三四尺葉皺小薊高一尺許葉不皺以此為異作菜雖有微芒不害人大薊根氣味甘溫無毒安胎止吐血鼻衄令人肥健葉治腸癰腹臑瘀血作暈撲損惡瘡疥癬小薊根氣味甘溫無毒養精血破宿血生新血合金瘡治蜘蛛蛇蠍毒熱毒風并胸膈煩悶開胃下食退熱補虛損苗去煩熱作菜食除風熱



續斷一名屬折一名接骨一名龍豆一名南草續斷屬折接骨皆以功名名也蘇頌曰今陝西河中與元舒越晉絳諸州皆有之三月以後生苗榦四稜似苧蔴葉兩兩相對而生四月開花紅白色似益母花根如大薊赤黃色按范汪方云續斷即是馬薊與小薊葉相似但大於小薊爾葉似旁翁菜而小厚兩邊有刺刺人其花紫色與今越州所圖者相類而市之貨者亦有數種少能辨其麤良醫人但以節節斷皮黃皺者為真李時珍曰今

佩文齋廣群芳譜卷第九十六

藥譜

續斷

續斷一名屬折一名接骨一名龍豆一名南草續斷屬折接骨皆以功名名也蘇頌曰今陝西河中與元舒越晉絳諸州皆有之三月以後生苗榦四稜似苧蔴葉兩兩相對而生四月開花紅白色似益母花根如大薊赤黃色按范汪方云續斷即是馬薊與小薊葉相似但大於小薊爾葉似旁翁菜而小厚兩邊有刺刺人其花紫色與今越州所圖者相類而市之貨者亦有數種少能辨其麤良醫人但以節節斷皮黃皺者為真李時珍曰今

續斷



人所用以中州來色赤而瘦折之有煙塵起者為良氣
味苦微溫無毒治傷寒補不足金瘡癰瘍折跌續筋骨
助氣補五勞七傷破癥結瘀血消腫毒治婦人乳難胎
漏產後一切病胎久服益氣力去諸溫毒通宣血脈

鉤芡

增爾雅鉤芡註大如拇指中空莖頭有臺似薊初生可
食 說文芡味苦江南食以下氣 **本草綱目**苦芡一

名鉤芡一名苦板 凡物稱曰芡此物嫩時可食故以名之 浙東人清明節

采其嫩苗食之云一年不生瘡疥亦搗汁和米為食其
色青久留不敗造化指南云苦芡大者名苦藉葉如地
黃味苦初生有白毛入夏抽莖有毛開白花甚繁結細


實其無花實者名地膽草汁苦如膽也處處濕地用之
入爐火家用氣味苦微寒無毒下氣解熱燒灰傳漆瘡
療金瘡治丹毒煎湯洗痔甚驗

漏蘆

增本草綱目漏蘆一名野蘭一名莢蒿一名鬼油麻 屋

西北黑處謂之漏凡物黑色謂之蘆此草秋後即黑異
於眾草故有漏蘆之稱唐韻作篇其莢如麻故俗呼為
鬼油麻云蘇頌曰汴東州郡及奉海州皆有之舊說莖葉似

白蒿花黃白莢莖若筋大房類油麻而小今諸郡所圖
上惟單州者差相類沂州者花葉頗似牡丹秦州者花
似單葉寒菊海州者如單葉蓮花三州所生花雖別而
葉頗相類但秦海州者葉更作鉅齒狀當依舊說以單



廣羣芳譜 卷四
州出者爲勝氣味鹹寒無毒治膚熱毒惡瘡疽痔金瘡
濕痺下乳汁殺蟲止血排膿補血長肉通經脈久服輕
身益氣耳目聰明不老延年

飛廉

增本草綱目飛廉一名漏蘆一名木禾一名飛雉一名
飛輕一名伏兔一名伏豬一名天薺飛廉神禽之名也其狀鹿身豹文雀頭蛇尾有角能致風氣此草附莖有皮如箭羽復療風邪故有飛廉飛雉飛輕諸名陶弘景曰處
處有之極似苦苣惟葉多刻缺葉下附莖輕有皮起似
箭羽其花紫色俗方殆無用而道家服其枝莖可得長
生又入神枕方蘇恭曰此有兩種一種生平澤中是陶
氏所說者一種生山岡上者葉頗相似而無刻缺且多

毛其莖赤無羽其根直下更無旁枝生則肉白皮黑中
有黑脈日乾則黑如玄參用莖葉及根療疔蝕殺蟲與
平澤者俱有驗蘇頌曰今秦州所圖漏蘆花似單葉寒
菊紫色五七枝同一幹海州所圖漏蘆花紫碧色如單
葉蓮花花萼下及根旁有白茸裹之根黑色如蔓青而
細又類葱本淮南人呼爲老翁花與陶蘇所說飛廉相
近李時珍曰蘇頌圖經疑海州所圖之漏蘆是飛廉沈
存中筆談亦言今方家所用漏蘆乃飛廉也苗似苦苣
根如牛蒡而綿頭古方漏蘆散下云用有白茸者則是
有白茸者飛廉無疑矣氣味苦平無毒治骨節熱脛重
酸疼頭眩頂重皮間邪風熱瘡癰疽痔濕痺止風邪欬

唐本草 卷四 藥譜四
嗽下乳汁療疔蝕殺蟲小兒疔痢

大青

增本草綱目大青其莖葉皆深青故名處處有之高二三尺莖圓葉長三四寸面青背淡對節而生八月開小花紅色成簇結青實大如椒九月份赤氣味苦大寒無毒治時氣頭痛大熱口瘡除時行熱毒治溫疫寒熱熱毒痢黃疸喉痺解金石藥毒

小青

增圖經本草小青生福州三月生花彼土人當三月采葉用之生搗傳癰腫瘡癩甚效

胡盧巴

增本草綱目胡盧巴一名苦豆掌禹錫曰出廣州并黔州春生苗夏結子子作細莢至秋采今人多用嶺南者蘇頌曰或云種出海南諸番蓋其國蘆菔子也船客將種蒔於嶺外亦生不及番中來者真好氣味苦大溫無毒治元臟虛冷氣疝瘕寒濕脚氣益右腎煖丹田右腎命門藥也元陽不足冷氣潛伏不能歸元者宜之

蠡實

增本草綱目蠡實一名荔實一名馬藟子一名馬棟子一名馬薤一名馬帚一名鐵掃帚一名劇草一名旱蒲一名豕首一名三堅蘇恭曰此即馬藟子也月令仲冬荔挺出鄭玄註云荔馬藟也通俗文云一名馬藟本草謂之荔實蘇頌曰馬藟子北人訛為馬棟子廣雅云馬藟荔也高誘云荔挺出荔草挺出

廣雅考音 藥譜四 胡盧巴 蠡實

四

唐羣芳譜 藥譜 牛蒡
也講禮者不識呼為荔挺又作馬莧竝誤矣馬莧亦名豕耳卽馬齒也李時珍曰爾雅云并音瓶馬莧也卽此荔草謂其可爲馬刷故名今蘇頌曰陝西諸郡及鼎澧河南北人呼爲鐵掃帚是也蘇頌曰陝西諸郡及鼎澧州皆有之近汴尤多葉似薤而長厚三月開紫碧花五月結實作角子如麻大而赤色有稜根細長通黃色人取以爲刷三月開花五月采實竝陰乾用李時珍曰生荒野中就地叢生一本二三十莖苗高三四尺葉中抽莖開花結實氣味甘平無毒治皮膚寒熱胃中熱氣風寒濕痺堅筋骨令人嗜食久服輕身止心煩滿利大小便長肌膚療金瘡血內流癰腫有效消酒毒治黃病殺葷毒傳蛇蟲咬治小腹痛腹內冷積水痢諸病花實及根葉去白蟲療喉痺癰疽惡瘡

牛蒡

本草綱目 牛蒡一名惡實一名鼠黏一名大力子一名勞翁菜一名便牽牛一名蝙蝠刺其實狀惡而多刺之便牽牛河南人呼爲牛菜術人隱之呼爲大力也俚人謂之則綴惹不可脫故謂之鼠黏子蘇頌曰處處有之葉大如芋葉而長實似葡萄核而褐色外殼似栗核而小如指頭多刺根有極大者作菜茹益人秋後采子入藥李時珍曰古人種子以肥壤栽之翦苗洵淘爲蔬取根煮曝爲脯云甚益人今人亦罕食之三月生苗起莖高者三四尺四月開花成叢淡紫色結實如楓株而小萼上細刺百十攢簇之一株有子數十顆其根大者如臂長者近尺其色

廣羣芳譜 藥譜 牛蒡

七

灰黔七月采子氣味辛平無毒明目補中除風傷風毒
腫諸瘻去丹石毒利腰脚散諸結節筋骨煩熱毒潤肺
散氣利咽膈去皮膚風通十二經消斑疹毒十月采根
氣味苦寒無毒治傷寒寒熱汗出中風面腫消渴熱中
逐水療牙痛勞瘡諸風脚緩弱風毒癰疽欬嗽傷肺肺
癰疔瘰冷氣積血傳杖瘡金瘡通十二經脈洗五臟惡
氣可常作菜食令人身輕

菘耳

爾雅菘耳芥耳註廣雅云泉耳也亦曰胡泉江東呼
爲常泉形如鼠耳叢生如盤陸璣詩疏今或謂之耳

菘耳鄭康成謂是白胡荽幽州人呼爵耳爾雅翼幽

冀謂之檀菜雒下謂之常思菜本草綱目葉耳一名

蒼耳一名猪耳一名地葵一名施一名羊負來一名道

人頭一名進賢菜一名喝起菜一名野茄一名縑絲草

蘇頌曰博物志云洛中有人驅羊入蜀胡菜子多刺黏
綴羊毛遂至中國故名羊負來俗呼爲道人頭李時珍
曰葉形如菘麻又如茄故有菘耳及野茄諸名味滑如葵故各地葵蘇頌曰處處有之其

葉青白似胡荽白華細莖蔓生可煮爲茹滑而少味四

月中生子正如婦人耳瑤周憲王本草蒼耳葉青白

類黏糊菜葉秋間結實比桑椹短小而多刺嫩苗燂熟

水浸淘拌食其子炒去皮研爲麪亦可熬油氣味甘溫

有小毒治頭風寒痛風濕周痺拘攣一切風氣填髓煖

腰脚治癩癧瘡疥及瘙癢莖葉治溪毒中風傷寒頭痛

大風癩癩頭風濕痺毒在骨髓腰膝風毒狂犬咬毒

〔考〕詩周南采采卷耳不盈頃筐 〔四民月令〕伏後

二十日為麩至七月七日乾之覆以胡菜 〔埤雅〕舊說

千歲之龜巢於蓮葉游於卷耳 〔東坡雜記〕藥至賤而

為世要用無若蒼耳者他藥雖賤或地有不產惟此藥

不問南北夷夏山澤斥鹵泥土沙石但有地則產其花

葉根實皆可食食之則如藥治病無毒生熟丸散無適

不可愈食愈善乃使人骨髓滿肌如玉長生藥也主療

風痺癰緩癢瘡瘡癢不可勝言尤治癭金瘡海南無藥

惟此藥生舍下遷客之幸也

〔文散句〕楚屈原離騷蒼葦施以盈室兮

五言古詩 唐李白尋魯城北范居士失道落蒼耳中

見范置酒摘蒼耳作鴈度秋色遠日靜無雲時客心不

自得浩漫將何之忽憶范野人閒園養幽姿茫然起逸

興但恐行來遲城壕失往路馬首迷荒陂不惜翠雲裘

遂為蒼耳欺人門且一笑把臂君為誰酒客愛秋蔬山

盤薦霜梨他筵不下筯此席忘朝飢酸棗垂北郭寒瓜


蔓東籬還傾四五酌白詠猛虎詞近作十日歡遠為干

載期風流自簸蕩誰浪偏相宜酣來馬上去却笑高陽

池 〔原〕杜甫驅豎子摘蒼耳 江上秋已分林中瘴猶劇

畦丁告勞苦無以供日夕蓬莠獨不焦野蔬暗泉石卷

耳況療風童兒且時摘侵星驅之去爛熳任遠適放筐



亭午際洗剝相蒙翳登牀半生熟下筋還小益加點瓜
薤間依稀橘奴迹亂世誅求急黎民糠粃窄飽食復何
心荒哉膏梁客富家厨肉臭戰地骸骨白寄語惡少年
黃金且休擲

七言律詩 增元成廷珪寄周平叔先生就求蒼耳子周

侯久不通書問夜夜滄江入夢頻五月采來蒼耳子幾

時分送白頭人沙頭酒熟田毛足港上船來海錯新南

北相望千百里老來幽獨倍傷神

詩散句 增唐李白贈君卷菘草心斷更何言

地菘

增爾雅菘藟豕首註本草曰菘顛一名蟾蜍蘭今江東

呼菘首蔬菘藟藥草名一名天名精一名麥句薑一名

蝦蟇藍一名天門精一名玉門精一名天蔓菁南人呼

為地菘味甘辛故有薑稱狀如藍故名蝦蟇藍香似蘭

故名蟾蜍蘭 本草綱目天名精一名蚵蚘草一名活

鹿草一名劉愷草 詳見酉陽雜俎一名皺面草一名母豬芥根

名杜牛膝 見集效方實名鶴蝨 詳見夢溪筆談嫩苗綠色似皺葉菘

芥微有狐氣長則起莖開小黃花如小野菊花結實如

同蒿子相似最黏人衣服狐氣尤甚炒熟則香其根白

色如短牛膝根葉氣味甘寒無毒子苦辛有小毒其功

大抵只是吐痰止血殺蟲解毒治乳蛾喉腫及小兒急

慢驚風牙疼諸病尤有效

元嘉中射一鹿剖五臟以此草塞之蹶然而起儘怪而
拔草復倒如此三度儘密錄此草種之多主傷折俗呼
為劉儘草 夢溪筆談松菘即天名精也世人既不識
天名精又妄認地菘為大藪本草又出鶴蝨一條都成
紛亂今按地菘即天名精蓋其葉似菘又似名精故有
二名鶴蝨即其實世間有單服火藪法乃是服地菘耳
不當用火藪

稀菘


稀菘一名希仙一名火杖草一名虎膏一名
稀膏母一名狗膏一名黏糊菜
本草綱目云楚人呼稀
為稀呼草之氣味辛毒

為菘豬膏虎膏狗膏皆因其氣似及治虎狗傷也火杖
當作火菘俗音誤爾近人復謂稀菘為希仙矣救荒本
草言其嫩苗燥熟油鹽調食故俗謂之黏糊菜
素莖有直稜兼有斑點葉似蒼
耳微長似地菘而稍薄對節生莖葉皆有細毛肥壤一
株分枝數十八九月開深黃小花子如同蒿子外萼有
細刺黏人氣味苦寒有小毒治金瘡止痛斷血生肉除
諸惡瘡浮腫治久瘡痰癰風氣麻痺骨痛膝弱風濕傳
虎傷狗咬及諸蟲毒

集藻表

唐成訥進稀菘丸方表臣有弟誣年二十一
中風伏枕五年百醫不瘥有道人鍾鍼因視此患曰可
餌稀菘丸必愈其草多生沃壤高三尺許節葉相對當
夏五月以來收之每去地五寸剪刈以溫水洗去土摘

廣群芳譜 稀菘



唐羣芳譜 卷四 藥譜四
葉及枝頭凡九蒸九暴不必太燥但以取足為度仍熬
搗為末煉蜜丸如梧子大空心溫酒或米飲下二三十
九服至二千丸所患愈加不得憂慮是藥攻之力服至
四千丸必得復至五千丸當復須喫飯三五匙壓之五
月五日采者佳 宋張詠進稀蒼丸表竊以飡食飲水
可作充腸之饌餌松合柏亦成救病之功是以療饑者
不在於羞珍愈病者何煩於異術倘獲濟時之藥輒陳
鄙物之形不恥管窺輒干天聽臣因換龍興觀掘得一
碑內說修養氣術并藥方二件依方差人訪問采覓其
草頗有異金稜銀線素莖紫莖對節而生蜀號火杵莖
葉同蒼耳不費登高歷險每常求少獲多急采非難

廣收甚易倘勤久服旋見神功誰知至賤之中乃有殊
常之效臣自喫至百服眼目清明卽至千服髭鬚烏黑
筋力輕健效驗多端臣本州有郡押衙羅守一曾因中
風墜馬失音不語臣與十服其病立瘥又和尚智嚴年
七十忽患偏風口眼喎斜時時吐涎臣與十服亦便得
痊今合一百劑差職貢史元奏進

七言絕句 宋黃庭堅一夕風雨花藥都盡惟有稀蒼
一叢濯濯得意戲題紅葉山丹逐曉風春榮分到稀蒼
叢朱顏頗欲辭鏡去煮葉掘根儻見功

別錄 修治 五月五日六月六日九月九日采葉去根
莖花實洗淨曝乾入甑中層層灑酒與蜜蒸之又曝如

此九遍則氣味香美熬搗篩末蜜丸服之 **辨訛**李時珍云沈括筆談云世人妄認地菘爲火杵按地菘莖青圓而無稜無斑毛葉皺似菘芥不對節與成訥張詠進豨薺丸表所說不同蘇恭謂葉似酸漿乃龍葵非豨薺蓋誤認爾

藟荷

原藟荷一名藟苴 古今註云其紫者曰藟苴白者曰藟荷 一名覆菹一名
博苴 博雅謂之藟苴 一名嘉草似芭蕉而白色花生根中花未敗時可食久則消爛根似薑而肥葉似初生甘蔗宜陰翳地依蔭而生樹陰下最妙二月種一種永生不須鋤耘但加糞耳八月初踏其苗令死則根滋茂九

月初取其傍生根爲菹亦可醃貯以備蔬果有赤白二種製食赤者爲勝入藥白者爲良其葉冬枯十月中以糠厚覆其根免致凍死氣味辛溫有小毒治諸惡瘡及蟲毒葉名藟草氣味苦甘寒無毒治溫瘧寒熱酸嘶邪氣辟不祥

彙考 **增**搜神記蔣士先有傭客得疾下血醫以中蠱乃密以藟荷根布席下不使知乃狂言曰食我蠱者乃張小小也乃呼小小亡去今世攻蠱多用藟荷根往往驗藟荷或謂嘉草 **丹鉛錄**丘文莊羣書抄方載中蠱毒用白藟荷引柳子厚詩云云且日子厚在柳州種之其地必有此種仕于茲土者其物色之蓋亦不知爲何物

也余謂丘公之博洽而不識世之識者亦罕矣按松江志引急就章注曰白蘘荷即今甘露考之本草其形性正同

集藻 [文賦散句] [楚]屈原大招膾苴蓴只 [漢]司馬相

如上林賦苴薑蘘荷 [馬融]廣成頌芝苴董苴蘘荷苴

渠 [張衡]南都賦蓼葢蘘荷

五言古詩 [唐]柳宗元種白蘘荷皿蟲化為癘夷俗多

所神銜猜每腊毒謀富不為仁蔬果自遠至杯酒盈肆

陳言甘中必苦何用知其真華潔事外飾尤病中州人

錢刀恐賈害飢至益逡巡竄伏常戰慄懷故愈悲辛庶

民有嘉草攻禳事久泯炎帝垂靈編言此殊足珍崎嶇

不以 [註]以全余身紛敷碧樹陰眇眇心所親

別錄 [原]修治凡使白蘘荷以銅刀刮去麤皮一層細切

入砂鍋中研如膏取自然汁煉作煎新器攤冷如乾膠

狀刮取用 [辨訛]凡使勿用草牛草其形真相似

麻黃

原麻黃一名龍沙 廣雅云龍沙麻黃也狗骨麻黃根也 一名卑相一名卑

鹽近汴京多有之以出滎陽中牟者為勝春生苗至五

月則長及一尺莖端開花小而黃簇結實如阜角子味

甜微有麻黃氣外皮黃裏仁黑根皮色赤黃長者近尺

俗說有雌雄二種雌者三四月開花六月結子雄者無

花不結子微苦而辛性熱而輕揚治中風傷寒頭痛溫

本草綱目卷之四 麻黃 木賊



瘧發表出汗去邪熱止欬逆除寒熱破癥瘕去營中寒邪泄衛中風熱療傷寒解肌第一藥也過用洩真氣

別錄原修治立秋後收莖陰乾去節及根水煮十餘沸竹片掠去沫沫令人煩節能止汗

木賊

增本草綱目木賊此草有節而無葉治木骨者用之礱擦則光淨猶云木之賊也叢叢直上長者二三尺狀似鳧茈苗及粽心草而中空寸寸有節又似麻黃莖而稍麤無枝葉凌冬不凋氣味甘微苦無毒治目疾退翳膜消積塊益肝膽療喉痺胎動不安腸風止痢及婦人崩帶解肌止淚止血去風濕疝痛


燈心草

本草綱目燈心草一名虎鬚草一名碧玉草馬志曰生江南澤地叢生莖圓細而長直人將為席寇宗奭曰陝西亦有之蒸熟待乾折取中心白穰燃燈者是謂熟草又有不蒸者但生乾剝取為生草入藥宜用生草李時珍曰吳人栽蒔之取瓢為燈炷以草織席及蓑他處野生者不多外丹家以之伏硫砂氣味甘寒無毒瀉肺降心火止血通氣行水散腫止渴治濕熱黃疸燒灰治急喉痺塗乳上飼小兒止夜啼

地黃

原地黃一名地髓一名芑爾雅云芑地黃注一名芑皆有芑與一名牛奶子本草衍義云此一名婆婆奶草此同名人謂之牛奶子

廣群芳譜 藥譜四 燈心草 地黃




綱目云俗呼其處處有之河南懷慶者佳二月生莖有
苗為婆婆奶 細短白毛葉布地深青色似小芥葉而厚不叉丫上有
皺文毛濼不光高者尺餘低者三四寸摘其傍葉作菜
甚益人開小筒子花似油麻花但有斑點紅紫色亦有
黃者實作房如連翹子如小麥褐色根黃如胡蘿蔔麤
細長短不一根入土即生宜肥地虛則根大而多汁正
九月採根生地曝乾熟地蒸曬忌銅鐵器令人腎消髮
白男損營女損衛薑汁浸則不泥膈又宜酒製鮮用則
寒初出乾用則涼即今生地生血熟地養血生者以水
浸之沉者為地黃半沉者為人黃浮者為天黃入藥沉
者佳半沉者次之浮者不堪

廣群芳譜 抱朴子 楚文子服地黃八年夜視有光 **增** 抱

朴子 韓子治用地黃苗喂五十歲老馬生三駒又一百
三十歲乃死 朝野僉載 雉被鷹傷銜地黃葉點之即
愈

集藻 尺牘 **增** 宋蘇軾與翟東玉尺牘 藥之膏油者莫如
地黃啖老馬皆復為駒樂天採地黃詩云與君啖老馬
可使照地光今人不復知此法吾晚學道血氣衰耗如
老馬矣欲多食生地黃而不可常致近見人言循州興
寧令歐叔向於縣圃中多種此藥意欲作書干求而未
敢君與叔向故人可為致此意否此藥以二八月採者
良如許以此時寄惠為幸欲烹為煎也



賦散句宋謝靈運撰征賦採石上之地黃

五言古詩唐白居易采地黃者麥死春不雨禾損秋早霜歲晏無口食田中采地黃采之將何用持以易餼糧凌晨荷鋤去薄暮不盈筐攜來朱門家賣與白面郎與君啖肥馬可使照地光願易馬殘粟救此苦飢腸
宋蘇軾小圃地黃地黃飼老馬可使光鑒人吾聞樂天語喻馬施之身我衰正伏櫪垂耳氣不振移栽附沃壤蕃茂爭新春沉水得穉根重湯養陳薪投以東阿清和以北海醇崖蜜助甘冷山薑發芳辛融爲寒食餠曠作瑞露珍丹田自宿火渴肺還生津願餉內熱子一洗胸中塵陸游夢有餉地黃者味甘如蜜戲作數語記之

有客餉珍草發奩驚絕奇正爾取嚼齧炮製不暇施異香透崑崙清水生玉池至味不可名何止甘如飴兒穉喜語翁雪領生黑絲老病失所在便欲棄杖馳晨雞喚夢覺齒頰餘甘滋寄聲山中友安用求金芝

別錄種植宜沙軟地先於十二月耕熟至正月細耙三四遍然後作溝濶二尺兩溝作一畦濶四尺其畦微高而平硬甚不受水三月初種苗未生時得水卽爛畦中又撥作溝深三寸取地黃切長二寸種於溝內以熟糞土蓋厚三寸許每一畝用根五十筋蓋土訖卽取經冬爛草覆之候芽稍出以火燒其草令燒去其苗再生葉肥茂根益壯自春至秋凡五六耘不得鋤一年後滿

畦宿根採訖還生八月堪採根若不採其根太盛春二月宜出之若秋採訖至春不復更種其生者猶得三四年但採訖比至明年耨耘而已神隱云參驗古法此為最良按本草二八月採殊未窮物性也不如冬月採妙又蒸曬相宜也欲食其葉但露散後摘取傷葉勿損中心正葉秋收其花可充冬用製用掘出洗淨肥大沉水者簡出將簡下瘦小者搗汁入好酒竝縮砂仁末拌勻浸肥地令透用砂鍋柳甑蒸令氣透眼乾再浸再蒸如此九次蓋地黃性泥得砂仁之香而竄合和五臟沖和之氣歸宿丹田故無泥膈之患

東坡雜記肥嫩

色青一二寸截去薄紙裹兩頭以生豬腦塗其膚周匝

置小盤中挂通風處十餘日自乾抖數之出細黃粉其膚獨一一如鵝管狀其粉沸湯點或謂之金粉湯


牛膝

原牛膝本草註云其莖有節一名牛脛見廣雅一名百倍

一名山萆菜一名對節菜本草綱目云百倍隱語也言其滋補之功如牛之多力也

其葉似萆其節對生故俗有山萆對節之稱江淮閩越關中皆有以懷慶為

真以人栽蒔者為良春生苗高二三尺方莖麤節葉皆對生頗似萆菜而長且尖鞘秋月開花作穗結子狀如小鼠負蟲有濇毛皆貼莖倒生九月採根貨賣者多用水泡去皮裹紮曝乾白直可貴但其汁既去入藥力減終不如留皮者力大氣味苦酸平無毒主治寒濕痿痺



四肢拘攣膝痛不可屈伸補中續絕益精利陰氣填骨髓除腰脊痛治久瘧寒熱惡瘡折傷喉痺口瘡齒痛孕婦忌用

別錄原種 植秋收子至春種肥地深耕土鬆易長耜土平方下種水糞澆剪苗食如剪韭法旱則鋤耘荒則澆水秋中亦可種 **修治**凡使去蘆頭以酒浸洗欲下行則生用滋補則焙用或酒拌蒸用

紫菀

原紫菀 本草綱目云其根色紫而柔宛故名 一名青菀 一名紫菀 一名菀菀 一名還魂草 一名夜牽牛 處處有之以牢山所出根如北細辛者為良 三月內布地生苗五六月開花色黃

白紫數種結黑子本有白毛根甚柔細二月採根陰乾今人多以車前旋覆根紫土染過偽為之紫菀肺病要藥肺本自亡津液又服走津液藥為害滋甚不可不慎又有類紫菀而有白如練色者名曰羊鬚草亦宜辨 **別錄**原 **修治**凡使先去鬚頭及土東流水洗淨以蜜浸一宿至明火上焙乾每一兩用蜜二分 **製用**連根葉採之醋浸入少鹽收藏作菜辛香號名仙菜鹽不宜多易腐

附錄 女菀

原女菀 本草綱目云其根似女體柔婉故名 一名白菀 本草經註云紫菀白者名白菀 一名茆 一名女復 一名織女菀 生漢中山谷正二月採陰

廣群芳譜

紫菀

女菀

十七

乾蘇恭云功與紫苑相似氣味辛溫無毒李時珍云葛洪肘後方治人面黑令白方用女苑三分丹鉛一分則紫苑治手太陰血分白苑手太陰氣分藥也肺氣熱則面紫黑清則面白三十以後肺氣漸減不可服

麥門冬

原麥門冬 本草註云根似麩一名藁冬 藁音 一名忍冬

一名忍凌一名禹韭齊名愛韭秦名烏韭 爾雅疏 楚名

馬韭越名羊韭 爾雅疏 一名禹葭 見爾雅疏 一名禹餘糧 述

記云今藥中有禹餘糧者世傳昔禹治水棄其所餘糧于江中生為藥也一名不死草 本草綱目云麥鬚曰蘘此草根似麥而有鬚其葉如韭凌冬不凋故謂麥蘘冬及有禹韭忍冬諸名可以服食斷穀故又有餘糧不一名階前草一名僕壘一名隨脂 見吳氏所

在有之葉大小有三四種功用相似其色青長及尺餘大者如鹿葱小者如韭四季不凋浙中者良多縱紋且堅韌根黃白色有鬚在根如連珠四月開淡紅花如紅蓼花實碧而圓如珠吳地者勝性甘平無毒治肺中伏火補心不足療身黃目黃虛勞客熱口乾燥渴止嘔吐安魂魄定肺痿吐膿止嗽治時疾熱狂頭痛令人肥健美顏色有子

集藻五言絕句 **宋**范成大霜後紀園中草木門冬如

佳隸長年護階除生兒乃不凡磊落玻璃珠

七言絕句 **宋**蘇軾睡起聞米元章昌熱到東園送麥

門冬飲子一枕清風值萬錢無人肯買北牕眠開心煖

胃門冬飲知是東坡手自煎

別錄原種植四月初採根于黑壤肥沙地栽之每年六月九月十一月三次上糞及耘灌夏至前一日取根洗曬收之其子亦可種但成遲爾
修治凡入湯液以滾水潤濕少頃抽去心或以瓦焙軟乘熱去心若入丸散須瓦焙熟即于風中吹冷如此三四次即易燥且不損藥力或以湯浸搗膏和藥亦可滋補藥則以酒浸搗之
製用寇宗奭曰治心肺虛熱及虛勞與地黃阿膠麻仁同為潤經益血復脈通經之劑與五味子枸杞子同為生脈之劑張元素曰治肺中伏火脈氣欲絕者加五味子人參三味為生脈散補肺中元氣不足李杲曰六

七月間濕熱方旺人病骨乏無力身重氣短頭旋眼黑甚則痿軟故孫真人以生脈散補其天元真炁服者人之元氣也人參之甘寒瀉熱火而益元氣麥門冬之苦寒滋燥金而清水源五味子之酸溫瀉丙火而補庚金兼益五臟之氣也趙繼宗儒醫精要云麥門冬以地黃為使服之令人頭不白補髓通腎氣定喘促令人肌體滑澤除身上一切惡氣不潔之疾蓋有君而有使也若有君無使是獨行而無功矣此方惟火盛氣壯之人服之相宜若氣弱胃寒者必不可餌
圖經本草麥門冬煎補中益心悅顏色安神益氣令人肥健其力甚駛取新麥門冬根去心搗熟絞汁和白蜜銀器中重湯煮

履春芳譜 藥譜四
攪不停手候如飴及成溫酒日日化服之

酸漿

爾雅葳寒漿註今酸漿草江東呼曰苦葳疏案本草
酸漿一名醋漿陶註云處處人家多有葉亦可食子作
房房中有子如梅李大皆黃赤色 古今註苦葳一名
苦藏子有裏形如皮弁始生青熟則赤裏有實正圓如
珠亦隨裏青赤長安兒童謂為洛神珠一曰王母珠一
曰皮弁草 本草拾遺苦葳小者為苦藏亦呼為小苦
耽 本草綱目酸漿一名燈籠草一名天泡草 酸漿以
名也苦葳苦耽以苗之味名也燈籠皮弁以 寇宗奭曰
角之形名也王母洛神珠以子之形名也 天下有之苗如天茄子開小白花結青殼熟則深紅殼

中子大如櫻亦紅色中復有細子如落葉之
青草氣李時珍曰五月開小花黃白色紫心白蕊其花
如杯狀無瓣但有五尖結一鈴殼凡五稜一枝一顆下
懸如燈籠之狀殼中一子狀如龍葵子苗葉莖根並苦
寒無毒能利濕除熱治嗽化痰搗汁服治黃病去蠱毒
子酸平無毒治黃病尤益小兒難產吞之立產

蜀羊泉

本草綱目蜀羊泉一名羊泉一名羊飴一名漆姑草
諸名莫解能治 蘇恭曰葉似菊花紫色子類枸杞子根
漆病故曰漆姑 如遠志無心有糝所在平澤有之生陰濕地三月四月
採苗葉陰乾氣味苦微寒無毒治瘡疥癩癬漆瘡黃疸

廣群芳譜 藥譜四 酸漿 蜀羊泉



鹿蹄草

本草綱目鹿蹄草一名小秦王草一名秦王試劍草
鹿蹄象葉形能合金瘡故名試劍草按軒轅述寶藏論云鹿蹄多生江廣
平陸及寺院荒處淮北繩少川陝亦有出似葶菜而葉
頗大昔紫色春生紫花結青實如天茄子可制雌黃丹
砂治金瘡一切蛇蟲犬咬毒

敗醬

本草綱目敗醬一名苦菜一名苦蕪一名澤敗一名
鹿腸一名鹿首一名馬草陶弘景曰根作陳敗豆醬氣
嫩者暴蒸作菜食味微苦而有陳醬氣故又名李時珍曰南人採
苦蕪龍葵同名亦名苦蕪與酸漿同名苗形則不同也
蘇恭曰此藥多生岡嶺間葉似水荳及薇蘅叢生花黃

根紫作陳醬色李時珍曰處處原野有之俗名苦菜
人食之江東人每采收儲焉春初生苗深冬始凋初時
葉布地生似菘菜葉而狹長有鋸齒綠色面深背淺夏
秋莖高二三尺而柔弱數寸一節節間生葉四散如繖
顛頂開白花成簇如芹花蛇牀子花狀結小實成簇其
根白紫頗似柴胡氣味苦平無毒治瘡腫風熱破血排
膿催生治產後諸病

欵冬

爾雅菟奚顛凍註欵冬也柴赤花生水中疏案本草
一名橐吾一名虎鬚陶註云形如宿蓴未舒者其腹裏
有絲其花乃似大菊花唐本註云葉似葵而大叢生花



出根下是也 本草綱目一名欵東一名氏冬一名鑽

李時珍曰冬生冰下故名顯凍後人訛為欵冬欵者至也至冬而花也寇宗奭曰百草中推此不顯冰雪

最先春也故蘇頌曰根紫色葉似葶藶十二月開花黃世謂之鑽凍

青紫萼去土一二寸初出如菊花萼通直而肥實無子

又有紅花者葉如荷而斗直大者容一升小者容數合

俗呼蜂斗葉又名水斗葉氣味辛溫無毒治欵逆上氣

善喘喉痺諸驚癩寒熱邪氣

真考范子欵冬花出三輔 述征記洛水至歲末凝

厲則欵冬花茂悅層冰之中 丹鉛錄欵冬花即爾雅

所稱菟奚顯凍者紫赤華生水中十二月雪中出花佛

經云朱炎鑠石不靡蕭丘之木凝冰慘慄不凋欵冬之

花乃知唐詩僧房逢著欵冬花正十二街頭春雪時也
詩人之與於時物如此

贊晉郭璞欵冬贊吹萬不同陽煦陰蒸欵冬之

贊擢類堅冰物體所安焉知渙凝

賦晉傅咸欵冬花賦并序余曾逐禽登於北山於時

仲冬之月也冰凌盈谷積雪被崖顧見欵冬熒然始敷

賦曰惟茲奇卉欵冬而生原厥物之載育稟淳粹之至

精用能託體固陰利此堅貞惡朱紫之相奪患居眾之

易傾在萬物之竝作故韜華而弗逞逮皆死以枯槁獨

保質而金形華豔春暉既麗且殊以堅冰為膏壤吸霜

雪以自濡非天然之真貴曷能彌寒暑而不渝



文散句增漢王褒九懷欵冬而生兮凋彼葉柯

决明

原决明杜詩註云食之能决去眼昏以益其明有二種馬蹄决明莖高三四尺葉大於苜蓿而本小末奢晝開夜合兩兩相貼秋開淡黃花五出結角如初生細豇豆長五六寸子數十粒參差相連狀如馬蹄青綠色入眼藥最良一種苳苳决明卽山扁豆苗莖似馬蹄决明但葉本小末尖似槐葉夜亦不合秋開深黃花五出結角如小指長二寸許子成數列如黃葵子而扁色褐味甘滑二種苗葉皆可作酒麪俗呼爲獨占但苳苳嫩苗及花角皆可淪爲茹及點茶食而馬蹄决明苗角皆韌苦不可食也其子

鹹乎無毒治目中諸病助肝益精作枕治頭風明日勝黑豆有决明處蛇不敢入外有草决明石决明皆能明目草决明卽青葙子又有苳苳另是一種生道旁葉小於决明炙作飲甚香除痰止渴令人不睡隋稠禪師作五色飲以進隋帝者是也

羣考增霏雪錄陳白雲家籬落有植决明家人摘以下茶生三女皆短而跛而三女甥亦跛予皆識之又會稽民朱氏一子亦然其家亦嘗種之悉拔去

集藻五言古詩宋黃庭堅種决明后皇富嘉種决明注方術耘鋤一席地時至觀茂密縹葉資芎藭細花馬蹄實霜叢風雨餘篩簸場功畢枕囊代曲肱甘寢聽芬

苾老眼願力餘讀書真成癖 明吳寬決明 黃花隱綠

藥雨過仍離披不為杜老歎未是涼風時服食治目眚

吾將采掇之不須更買藥園丁是醫師

七言古詩 唐杜甫秋雨歎雨中百草秋爛死階下決

明顏色鮮著葉滿枝翠羽蓋開花無數黃金錢涼風蕭

蕭吹汝急恐汝後時難獨立堂上書生空頭臨風一

嗅馨香泣

七言律詩 明吳寬濟之送決明 畦間香霧正氤氳童

子清晨荷鋤興不惜離披垂翠羽端然搖落動黃雲藥

台早得宣公誌書帶休從鄭老分病日向來俱有賴涼

入女莫

七言絕句 宋蘇轍蜀人舊食決明花耳穎州夏秋少

菜崇寧老僧教人并食其葉有鄉人西歸使為父老言

之戲作秋蔬舊採決明花三嗅馨香每歎嗟西寺衲僧

并食葉因君說與故人家

地膚 原譜誤作藜今從本草訂正

原地膚一名掃帚一名獨帚一名王萼一名落帚一名

王帚 爾雅云箭王萼註云王帚也似藜其一名地麥一

名地葵一名白地草一名涎衣草一名鴨舌草一名子

頭子一名干心妓女一名益明 本草綱目云地膚地麥

其苗味似也鴨舌因其葉形似也妓女因其

枝繁而頭多也益明因其子功能明目也 春間可種

處處有之一本叢生每窠約二三十莖團團直上有赤

地膚

三



有黃七月開黃花子色生青似一眠起蠶沙之狀最繁嫩苗可作蔬茹至八月而蕪餘成可採子落則老八月以草束其腰九月刈以石壓扁可為帚性苦寒無毒治膀胱熱利小便補中益精氣久服耳目聰明輕身耐老可作湯沐浴

王不留行

增本草綱目王不留行一名禁宮花一名翦金花一名金盞銀臺此物性走而不住雖有多生麥地中苗高者一二尺三四月開小花如鐸鈴狀紅白色結實如燈籠草子殼有五稜殼內包一實大如豆實內細子大如菘子生白熟黑正圓如細珠可愛氣味苦平無毒止血除

風治金瘡鼻衄癰疽惡瘻乳婦人難產下乳汁出竹木

刺

彙考**增**世說衛江州在潯陽有知舊人投之都不料理唯餉王不留行一筋此人得餉使命駕李弘範聞之曰家舅刻薄乃復驅使草木

葶藶

增爾雅葶藶亭藶註實葉皆似芥一名狗薺廣雅云本草一名丁歷一名大室一名大適圖經本草葶藶汁東陝西河北州郡皆有之曹州者尤佳初春生苗葉高六七寸似薺根白色枝莖俱青三月開花微黃結角子扁小如黍粒微長黃色月令孟夏之月靡草死許慎鄭玄

註皆云靡草薺葶藶之屬是也一說葶藶單莖向上葉
端出角麤且短又有一種狗芥草葉近根下作岐生角
細長取時必須分別此二種也氣味辛寒無毒治癥瘕
積聚結氣飲食寒熱破堅逐邪通利水道療中風肺壅
上氣欬嗽止喘促除胸中痰飲

車前

原車前一**名**芣苢**一名**馬鳥**一名**蝦蟇衣爾雅云芣苢
馬鳥車前註
云江東呼**一名**當道**一名**牛舌陸機詩疏云喜在牛迹
為蝦蟇衣
幽州人謂**一名**地衣神仙服食經云一名地
之牛舌草**一名**羽化**一名**牛遺
與當道諸**一名**車輪菜處處有之開州者勝春初生苗
名義同
葉如地如星面累年者長及尺餘中抽數莖作長穗如

鼠尾花青色微赤甚細密結實如葶藶赤黑色五月採
苗八九月採實人家園圃或種之味甘寒無毒養肺益
精除濕痺利水道治產難壓丹石毒去心胸煩熱久服
輕身明目耐老令人有子

增詩周南采芣苢薄言采之

贊晉郭璞芣苢贊車前之草別名芣苢王會之
云其實如李名之相亂在乎疑似

原唐張籍苔開州韋使君寄車前子開州午

日車前子作藥人皆道有神慙愧使君憐病眼二千里
外寄閒人

增唐白居易芣苢春來盈女手



別錄原修治凡用須以水淘洗去泥沙曬乾入湯液炒
過用入丸散酒浸一宿蒸熟研爛作餅曬乾焙研製
用陸璣言嫩苗作茹大滑王晏山居錄有種車前剪
苗食法昔人常以為蔬矣今野人猶採食之本草綱
目歐陽公常得暴下病國醫不能治夫人買市人藥一
帖進之而愈力叩其方則車前子一味為末米飲服二
錢七云此藥利水道而不動氣水道利則清濁分而穀
藏自正矣

狗舌草

唐本草狗舌生渠塹濕地春生葉似車前而無文理
抽莖開花黃白色四月五月採莖暴乾氣味苦寒有小

毒治蟲疥瘙瘡殺小蟲冷二

鱧腸

本草綱目鱧腸一名蓮子草一名旱蓮草一名金陵

草一名墨煙草一名墨頭草一名墨菜一名糊孫頭一

名豬牙草鱧烏頭也其腸亦烏此草柔莖斷之有墨汁

蓮蘇頌曰處處有之南方尤多此有二種一種葉似柳

而光澤莖似馬齒莧高二三尺間花細而白其實若小

蓮房一種苗梗枯瘦頗似蓮花而黃色實亦作房而圓

南人謂之連翹者二種折其苗比有汁出須臾而黑俗

謂之旱蓮子李時珍曰旱蓮有一種一種苗似旋覆而

花白細者是鱧腸一種花黃紫而結房如蓮房者乃是

廣羣芳譜

狗舌草

鱧腸

三

小連翹也爐火家亦用之氣味甘酸平無毒烏鬚固齒止血排膿傳一切瘡繫臂截瘡

連翹

增爾雅連異翹註一名連茗又名連草疏案本草連翹

一名蘭華一名折根一名軹一名三廉圖經本草近

汴京及河中江寧潤滯澤堯鼎岳利諸州南康軍皆有

之有大小二種大翹生下濕地或山岡上青葉狹長如

榆葉水蘇葦莖赤色高三四尺獨莖梢間開花黃色秋

結實似蓮內作房瓣根黃如蒿根八月採房其小翹生

岡原之上花葉實皆似大翹而湖南方生者葉狹而小

莖短纒高一二尺花亦黃實房與黑內含黑子如粟粒

亦名旱蓮南人用花葉今南方家說云連翹有兩種

一種似椿實之未開者殼小堅而外完無跗萼剖之則

中解氣甚芳馥其實纒乾振之皆落不著莖也一種乃

如茵蓍殼柔外有跗萼抱之而無解脈亦無香氣乾之

雖久著莖不脫此甚相異此種江南下澤間極多如椿

實者乃自蜀中來入用勝似江南者據本草則亦以蜀

中者為勝然未見其莖葉也氣味苦平無毒珍珠囊

連翹之用有三瀉心經客熱一也去上焦諸熱二也為

瘡家聖藥三也

蒴藿

增本草綱目蒴藿一名接骨草

蘇恭曰卽陸英也蘇頌曰陸英當是蒴藿花也

廣群芳譜

連翹

蒴藿

三

陶弘景曰生田野所在有之春抽苗莖有節節間生枝葉大似水芹春夏採葉秋冬採根莖寇宗奭曰花白子初青如綠豆顆每朵如蓋面大又平生有一二百子十月方熟紅李時珍曰每枝五葉氣味酸溫有毒風瘙癢癰身癢濕痺可作浴湯止瘡破癥塊治丹毒

水英

〔圖經〕本草水英生永陽池澤及河海邊臨汝人呼為牛蒞草河北信都人名水節河南遂寧等郡名龍移草淮南諸郡名海荏嶺南亦有土地尤宜莖葉肥大名海精木亦名魚津草蜀人採其花合面藥骨風疾不宜鍼灸及服藥惟取此草煮浸即瘥

海根

〔圖經〕本草拾遺海根生會稽海畔山谷莖赤葉似馬蓼根似菝葜而小番人蒸而用之氣味苦小溫無毒治霍亂中惡鬼氣疰忤喉痺蠱毒癰疽遊癩蛇毒

火炭母草

〔圖經〕本草火炭母草生恩州原野中莖赤而柔似細蓼葉端尖近梗形方夏有白花秋實如椒青黑色味甘可食氣味酸平有毒去皮膚風熱流注骨節癰腫疼痛搗爛以鹽酒炒傅腫痛處

三白草

〔本草綱目〕三白草 陳藏器曰此草初生無白入夏葉端半白如粉農人候之蔣田三葉

廣群芳譜 本草綱目 海根火炭母草三白草

本草拾遺 蠶繭草
白則草便莠 故謂之三白 生田澤畔 八月生苗高二三尺 莖如蓼葉 如章陸及青箱 四月其顛三葉面上三次變作白色 餘葉仍青不變 俗云一葉白食小麥二葉白食梅杏三葉白食黍子 五月開花成穗如蓼花狀而色白微香 結細實根長白虛軟有節鬚狀如泥菖蒲根 氣味甘辛寒有小毒 治水腫脚氣消痰破癥除積聚消丁腫搗汁服除癰及熱痰 小兒痞滿根療脚氣風毒煎湯洗癩瘡

蠶繭草

本草拾遺 蠶繭草 生濕地如蓼 大莖赤花白 東土亦有之 氣味辛平無毒 治諸蟲咬毒 煮服之亦搗傳諸瘡

蛇繭草

本草拾遺 蛇繭草 生平地 葉似苦苣而小節赤 高二尺 種之辟蛇 搗傳蛇虺毒 蟲等螫 又一種草莖圓似芋亦傳蛇毒

虎杖

爾雅 葑虎杖 註似紅草而麤大有細刺可以染赤

本草綱目 虎杖一名苦杖一名大蟲杖一名斑杖一名

酸杖 杖言其莖虎杖言其斑也 蘇頌曰今出汾州越州滁州處處有

之三月生苗莖如竹筍狀上有赤斑點初生便分枝子葉似小杏葉七月開花九月結實南中出者無花根皮黑色破開即黃似柳根亦有高丈餘者寇宗奭曰大率皆似寒菊然花葉莖蕊差大為異仍莖葉淡黑斑六七

月旋旋開花至九月中方已花片四出其色如桃花差大而外微深陝西山麓水次甚多李時珍曰其莖似荻蓼其葉圓似杏其枝黃似柳其花狀似菊色似桃氣味微溫無毒通經破留血癥結治風在骨節大熱煩躁五淋腸痔燒灰貼諸惡瘡

蒺藜

原蒺藜一名茨爾雅云蒺藜楚辭作薺本草綱目云蒺藜疾也藜利也菊刺也其刺傷人甚疾而利一名升推一名旁通一名休羽一名屈人一名止行皆因其多生道旁及牆頭葉四布莖淡紅色旁出細莖一莖五七葉排兩旁如初生小阜葉圓整可愛開小黃花結實每一朵蒺藜五六枚團砌如扣每一蒺藜子

如赤根菜子及小菱三角四刺子有仁味苦無毒治惡血破積聚消風下氣健筋益精堅牢牙齒久服長肌肉明目輕身炒黃去刺磨麩或蒸食可以救荒

原易據于蒺藜疏蒺藜之草有刺而不可踐也

詩鄘風牆有茨不可埽也詩小雅楚楚者茨韓

詩外傳春植蒺藜夏不得采其葉秋得其刺焉博物

志歲欲早早草先生旱草謂蒺藜也

集藻文散句楚屈原離騷蒼葳蔬以盈室兮漢東

方朔七諫蒺藜蔓乎東廂

詩散句唐柳宗元古道饒蒺藜縈迴古城曲

別錄爾雅翼鐵蒺藜菱角等起於隋時征遼爲之然

廣羣芳譜 蒺藜

六韜中已有此物鼂錯傳謂之渠荅諸葛亮卒於五丈
原魏人追之長史楊儀多布鐵蒺藜則其來已久 碑
雅兵家鑄鐵爲之以梗敵路亦呼蒺藜 原修治凡使
揀淨從午蒸至西曬乾木臼舂令刺盡酒拌再蒸從午
至西曬乾用炒去刺亦可不計丸散用皆去刺 服食
神仙祕旨蒺藜子七八月熟時收取一碩日乾春去刺
杵爲末每服二錢新汲水調下日三勿令中絕斷穀長
生服之一年以後冬不寒夏不熱二年老者復少髮白
復黑齒落更生服之三年身輕長生 本地蒺藜候八
九月將熟時收取根莖花實不拘多少洗淨水熬數沸
以爛爲度大盆內木杓碾爛濾淨汁鍋內再熬至稀稠

調勻每一觔人蜂蜜四兩再熬一沸裝入磁罐埋土內
去火毒每空心溫酒調下一兩大有補益

附錄沙苑蒺藜

原沙苑蒺藜 按本草謂出陝西同州沙苑牧馬草地近
道亦有之細蔓綠葉綿布沙上七月開花黃紫色如豌豆
豆花而小九月結莢長寸許形扁縫在腹背與他莢異
中有子似羊內腎大如黍粒褐綠色味甘溫無毒微腥
補腎治腰痛虛損勞乏

穀精草

原穀精草 本草綱目云穀田餘 一名文星草一名戴星
草一名流星草 氣所生故曰穀精 開寶本草云白花似
星故有戴田諸名 處處有之收穀後

生荒田中一科叢生葉似嫩穀秧抽細莖高四五寸莖頭有小白花點點如亂星九月採花陰乾氣味辛溫無毒治頭風痛目盲翳膜痘後生翳目中諸病加而用之良明目退翳功在菊花上饒馬令肥主蟲頸毛焦病又有一種莖硬長有節根微赤出秦隴

海金沙

增本草綱目海金沙一名竹園菱其色黃如細沙也謂之海者神異之也俗名竹園菱象葉形也江浙湖湘川陝皆有之生山林下莖細如線引於竹木上高尺許其葉細如園菱葉而甚薄背面皆青上多皺文皺處有沙子狀如蒲黃粉黃赤色不開花細莖堅強其沙及草皆可入藥氣味甘寒無毒通利小

腸療傷寒熱狂治濕熱腫滿五淋解熱毒氣

地楊梅

增本草拾遺地楊梅生江東濕地苗如沙草四五月有子似楊梅氣味辛平無毒治赤白痢取莖子煎湯服

水楊梅

增本草綱目水楊梅一名地椒生水邊條葉甚多生子如楊梅狀庚辛玉冊云地椒一名水楊梅多生近道陰濕處荒田野中亦有之叢生苗葉似菊莖端開黃花實類椒而不赤可結伏三黃白礬制丹砂粉霜氣味辛溫無毒治疔瘡腫毒

地蜈蚣草

黃真土

海金沙

地楊梅

地蜈蚣草

本草綱目地蜈蚣草生村落墜野間左蔓延右右蔓
延左其葉密而對生如蜈蚣形其穗亦長俗呼過路蜈
蚣其延上樹者呼飛天蜈蚣根苗皆可用氣味苦寒無
毒

半邊蓮

增本草綱目半邊蓮小草也生陰濕墜塹邊就地細梗
引蔓節節而生細葉秋開小花淡紅紫色止有半邊如
蓮花狀故名又呼急解索氣味辛平無毒治蛇虺傷搗
汁飲以滓圍塗之又治寒胸氣喘及癰疾

紫花地丁

增本草綱目紫花地丁一名箭頭草一名獨行虎一名

增角子一名米布袋處處有之其葉似柳而微細夏開
紫花結角乎地生者起莖溝壑邊生者起蔓普濟方云
鄉村籬落生者夏秋開小白花如鈴兒倒垂葉微似木
香花之葉此與紫花者相戾恐別一種也氣味苦辛寒
無毒治一切癰疽發背疔腫癩癧無名腫毒惡瘡

鬼鍼草

增唐本草鬼鍼草生池畔方莖葉有極子作釵脚著人
衣如鍼北人謂之鬼鍼南人謂之鬼釵氣味苦平無毒
治蜘蛛蛇咬杵汁服併傳之

獨用將軍

增唐本草獨用將軍生林野中節節穿葉心生苗不時

續本草卷之四 藥譜四 半邊蓮 三

采根葉用氣味辛無毒治毒腫乳癰解毒破惡血

附錄留軍待

增唐本草留軍待生劍州山谷葉似楠而細長采無時味辛溫無毒主肢節風痛折傷瘀血五緩攣痛

見腫消

增圖經本草見腫消生筠州春生苗葉莖紫色高一二尺葉似桑而光面青紫赤色采無時氣味酸澀有微毒消癰腫及狗咬搗葉貼之

攀倒甌

增本草綱目攀倒甌生宜州郊野莖葉如薄荷一名貞叔一名接骨氣味苦寒無毒解利風熱煩渴狂躁搗汁



服

水甘草

增圖經本草水甘草生筠州多在水旁春生苗莖青葉如柳無花土人十月八月採單用不入衆藥氣味甘寒無毒治小兒風熱丹毒同甘草煎飲

特 7
35
458





国立国会図書館 タイトル『佩文齋廣群芳譜卷1-6, 11-100』 請求記号 特7-458

ガラス使用